

華嚴疏鈔

藏
藏

C40
4514

C40-4514

了翁上座請大藏及有
小書置於武烈塔雲山
和微宏塔院庭中承
為學者不致汗出院內
當山二世鐵牛撰譯



B 64863

大方廣佛華嚴經疏鈔卷五十三

于闐國二藏沙門實叉難陀 譯
清涼山大華嚴寺沙門澄觀撰述

離世間品第三十八之一

疏初明來意來意有三二分來前明修因契果生
解分則於法起解今明託法進修成行分則依解
起行義次第故二會來者前會因圓果滿生解之
終此會正行處世無染通於始終故次來也三品
來者前品出現之果殊勝今明依彼起行圓融故
次來也雖一分一會一品是同所對既殊來意亦

支那

卷五十三

別。

疏第二釋名亦有三別。一分名者。沒彼位名。但彰行法。欲顯行位無礙前後圓融。故以名也。

疏二會名者。約法不異分名。約處名三會。普光明殿之會。第七重會。會終歸始。故雖越四天同爲生解之會。今復重會。通對彼分始終。依解成行。故會普光。而前分生解差別。故寄歷處。以顯淺深。今分起行圓融。故一會並收。因果亦表成行不離普光明智故。此中不隔餘處。何有重會之義。若約次第。前時後時。卽是重義。若約圓融。就義名重。故不動。

前二而升四天。二七相望。亦何所隔。明知約義。亦猶燈光。涉入無礙。亦似燈炷。重發重明。約人名。普慧普賢。問答之會。鈔第七重會下釋意。明第七已曾重會故。今名三會。而便明七八俱會。普光而有差別。而前分下解。妨文有二妨。初有伏難。卽重會不同。妨。謂有問言。一種重會。何以前歷多會。此唯一會。答有二意。一前約解。故須多。今約行。故須一。以頓起故。二前約行布。故歷位不同。今約圓融。故一會頓起。在文可思。此中不隔餘處。何有重會之義。卽第二顯難。重會不成。妨。若約下。答有一意。

一約行布。不壞相邊。約時明重。如人前於此講續前。豈非重耶。若約圓融下。二就圓融門約義。明重於中。有二。初標可知。故不動下。次反難以成。謂汝向問意云。第二至第七中。隔四會。故得名重。第七第八中。無有隔。何得名重。今謂第二望七。亦不隔。越何者。既不起覺樹而昇四天。四天覺樹定是一時。第六他化天後。卽說第七。曾何隔。越則二七不隔。亦得名重。今七八不隔。何不名重。明知約義者。結成七八重會。皆是約義而言。不動前二者文中。雖云不起覺樹。以普光近覺樹。故不別言之。實則

不起前二頓昇四天也。亦猶燈光下。第三以喻明也。光雖涉入隨燈有異。時處雖一。約義不同。以約圓融一時頓演。故爲此通。亦似燈炷下。復以喻顯前喻燈異光重。此則燈一光異。燈一喻於一處光重。喻二會不同。

疏三品名有二。一得名。二釋名。今初又一。一異名下。下文十義。至彼當辨。有別行本。名度世經。度卽離義。又有別行。名普賢菩薩荅難。二千經。此就能離人法受稱。鈔荅難。二千經者。準度世品。普智菩薩白言。世尊。諸來菩薩。達者無礙。中下之士。各

懷猶豫各心念言事物繁鬧不知何事可捨可奉
願佛分解佛歎善哉當爲汝說佛言普智用有二
故故問二百答以二千問二百者有神食身計有
吾我有內有外在有在無所可諮問皆除吾我內
外有無則有權慧開化無際答一千者十方一切
皆來集會其心各異意行不同達者聞要則以至
道不能達者爲演多辭曉諭文說牽攀義旨自所
觀形以喻其意乃得解慧此經乃在邇字函中文
只六卷長行文畢後有一百三十二頌義甚富瞻
應二正辨本稱總由超絕世染故受其名別有二

義一約法二約行三約位約法之中先世後離世
有三類一約事相有二世間謂器及有情此約依
正分之二約麤細亦二一有爲世間二無爲世間
此約分段變易分之以變易非三有攝名之無爲
故勝鬘云有爲生死無爲生死然麤細雖殊體不
出二三約染淨有三於初二中加智正覺示同世
間不同世故如地論辨二明離者離有二義一性
離世間性空卽是出世間故二明事離行成無染
故力林頌云三世五蘊法說名爲世間彼滅非世
間如是但假名滅通二義於事離中有似離真離

分離全離。次下當辨。二約行者。畧爲四句。一隨。二離。三俱。四泯。言隨者。凡夫沉溺世蘊。非離非隨。二乘無悲。不能隨世。雖離非真。菩薩能隨。方爲真離。故以隨釋離。二離者。有大智故。了世性離處。而不染。亦異。凡小。三俱者。悲故。常行世間。智故。不染世法。既以世與性離。無二爲其境。故以悲智無二爲其行。境行融通。有其二句。一悲無不智。則世無不離。是以常在世間。未曾不出。二智無不悲。故離無不世。是以恒越世表。無不游世。二雙融故。動靜無二。唯是一念。所謂無念。無念等故。世與出世。無有

障礙。四俱泯者。謂境既世與性離。形奪兩亡。故令悲智俱融。二念雙絕。又由境行相由。形奪齊離。則絕待離言。融前四句。皆無障礙。方爲真離。世間也。三約位者。凡夫染而非離。二乘分離。非真。謂果離分段。因唯事離。非今所明。菩薩具上真行。可得名離。而非究竟。唯佛爲離。故經云。佛常在世間。而不染世法。然今文中。備六位之行。卽是行離。行所依位。卽是位離。故若事若理。若因若果。皆名離也。鈔世間性空者。卽是淨名不二法門。分別世間故。敬禮無所觀。二明事下。引十行偈。義則可知。度世

品云品名度者一切衆生閉在世間五陰六衰之所覆蓋纏綿生死不能自拔以權方便智度無極消去五陰捐弃六衰不計吾我不在生死不住滅度譬如日月晝夜演光權慧如是忽然無跡德如虛空然今文中者就別得名中二一上別顯三義二此下會釋經文明具三義若事若理下卽是總結然若事卽前事離若理卽前性離此正約法因果卽兼結行位也

疏二釋名者約法事離無他受稱離非世間卽相違釋若約性離通持業釋約行四句前二句俱通

持業相違二事理離故泯句並非六釋亦可持業泯卽離故鈔然此釋名妙則妙矣易則易焉故不委釋

疏第三宗趣頓彰六位理事二離爲宗令體性離頓成真離究竟爲趣

爾時世尊在摩竭提國阿蘭若法菩提場中普光明殿坐蓮華藏師子之座

疏第四釋文長科十分一序分二三昧分三發起分四起分五請分六說分七結勸分八現瑞分九證成分十重頌分今初有三一器世間圓滿義如

前釋。二妙悟下。智正覺世間圓滿。三與不可說下。衆生世間圓滿。

妙悟皆滿。二行永絕。達無相法。在於佛住。得佛平等。到無障處。不可轉法。所行無礙。立不思議。普見三世。身恒充徧。一切國土。智恒明達。一切諸法。了一切行。盡一切疑。無能測身。一切菩薩等所求智。到佛無二。究竟彼岸。具足如來平等解脫。證無中邊。佛平等地。盡於法界等虛空界。

疏。二中明佛。二十一種殊勝功德。廣引諸論。已見升兜率品。今但畧明。初句爲總。具下二十一種功

德。故云妙悟皆滿。鈔。二中明佛下。旣指前釋。有疑。當尋彼疏。鈔。不繁重奉。

疏後。二行下。別於中前。四自利。餘皆利他。前中一智德。二斷德。三恩德。四作用平等德。今初二行永絕。卽於所知。一向無障。轉功德。佛地。經名不二。現行。不字。此宜言無。卽永絕義。謂佛智德。離所知障。非如聲聞。極遠時處。等有不知。故有知不知。卽是二行。今無不知。故云永絕。二達無相法。則於有無無二相。真如最勝。清淨。能入功德。彼經名趣。無相法。趣。謂趣入。卽此達義。然無相法。體卽真如。無彼

有無二相故名無相諸法中最淨無客塵令自他入勝於二乘名最勝清淨三在於佛任者即無功用佛事不休息功德世親云謂任佛所任無所任處此即釋經於此任中常作佛事無有休息此即解論四得佛平等即於法身中所依樂作事無差別功德謂諸佛有三事無差一所依智同二益生意樂同三報化作業同故云平等五到無障處則修一切障對治功德世親云謂一切時常修覺慧對治一切障故此明覺慧爲能治一切障即二障爲所治六不可轉法即降伏一切外道功德謂

教證二道他不能動故七所行無礙即生在世間不爲世法所礙功德謂利衰等八法不能拘故八立不思議即安立正法功德謂安立十二分教餘不能思故九普見三世即授記功德謂記別過未皆如現在故十身恒充滿一切國土即一切世界示現受用變化身功德謂二種身徧二種國故十一智恒明達一切諸法即斷疑功德謂自於一切境善決定故能決他疑十二了一切行即令入種種行功德三釋攝論易故不解意云徧了一切有情性行隨根令入故十三盡一切疑即當來法生

撰述 華嚴疏鈔卷第三十三 世
妙智功德謂聲聞言其全無善根如來知其久遠
微善後當生故十四無能測身卽如其勝解示現
功德謂隨諸有情種種勝解現金色等身雖現此
身而無分別如末尼等故無能測十五一切菩薩
等所求智卽無量所依調伏有情加行功德謂由
無量菩薩所依爲欲調伏諸有情故發起加行佛
增上力聞法爲先獲得妙智異類菩薩攝受付屬
展轉傳來相續無間而轉由此證得一切菩薩等
所求智意云佛智爲一切菩薩等所求故十六到
佛無二究竟彼岸卽平等法身波羅蜜多成滿功

德平等卽無二義無二法身爲波羅蜜多所依十
七具足如來平等解脫卽隨其勝解示現差別佛
土功德此中解脫卽是勝解隨物勝解所宜如來
勝解能現金銀等土佛佛皆然故云平等十八證
無中邊佛平等地卽三種佛身方處無分限功德
世親云謂佛法身不可分限爾所方處受用變化
亦不可說爾所世界十九盡於法界卽窮生死際
常現利樂一切有情功德二十等虛空界卽無盡
功德謂佛實智如空無盡故今經闕最後窮未來
際總別合有二十一句義如前說然佛地攝論約

受用身。此約十身。所以知者。處摩竭提國。是變化土。而歎受用功德。明知二身二國。本相融故。不要地前地上。則五位通見故。與不可說百千億。那由他佛刹微塵數。菩薩摩訶薩。俱皆一生。當得阿耨多羅三藐三菩提。各從他方種種國土。而共來集。

疏第二。眾生世間圓滿中。一先舉數歎德。後其名下列名歎德。前則多人具德。後則勝人具德。前中二。先舉數揀定。鈔前則多人者。以舉多數。次卽歎故。後列普賢諸勝上人。而歎德故。

悉具菩薩方便智慧。

疏二。悉具菩薩下。歎具勝德分三。初總標。一所謂下別顯。後成就下總結。

所謂善能觀察一切眾生。以方便力。令其調伏。在菩薩法。善能觀察一切世界。以方便力。普皆往詣。善能觀察涅槃境界。思惟籌量。永離一切戲論。分別而修妙行。無有間斷。善能攝受一切眾生。善入無量諸方便法。知諸眾生。空無所有。而不壞業果。善知眾生心。使諸根境界。方便種種差別。悉能受持二世佛法。自得解了。復爲他說。於世出世無量諸法。皆善安住。知

撰述
華嚴疏鈔卷五十二
十一
其真實。於有爲無爲一切諸法。悉善觀察。知無有二。疏別中十九句。皆不出方便智慧。分二。前十歎自分德。後於一念下九句勝進德。今初前八皆有慧方便依體起用。故前五以善能爲句首。六知空不壞業果。七知根器別明識病。八持法化之。後二。明有方便慧。皆卽事歸實。

於一念中。悉能獲得三世諸佛所有智慧。於念念中。悉能示現成等正覺。令一切衆生發心。成道於一衆生心之所緣。悉知一切衆生境界。雖入如來一切智地。而不捨菩薩行。諸所作業。智慧方便而無所作爲。

一一衆生。在無量劫。而於阿僧祇劫。難可值遇。轉正法輪。調伏衆生。皆不唐捐。三世諸佛清淨行願。悉已具足。成就如是無量功德。一切如來於無邊劫。說不可盡。

疏後勝進中。初句總明速成果智。餘皆果智之用。及後總結文。並可知。

其名曰普賢菩薩。普眼菩薩。普化菩薩。普慧菩薩。普見菩薩。普光菩薩。普觀菩薩。普照菩薩。普幢菩薩。普覺菩薩。如是等十。不可說百千億那由他。佛刹微塵數。皆悉成就普賢行願。深心大願。皆已圓滿。一切諸

佛出興世處。悉能往詣。請轉法輪。善能受持諸佛法。眼不斷一切諸佛種性。善知一切諸佛與世授記次第。名號國土。成等正覺。轉於法輪。無佛世界。現身成佛。能令一切雜染衆生。皆悉清淨。能滅一切菩薩業障。入於無礙清淨法界。

疏第二列名歎德中。二初列名結數。二皆悉下。歎德。文有十句。初總餘別。別中。一契理願圓。普眼滿故。二攝法上首。爲普化故。三受持正法。有普慧故。四不斷佛種。普見有性故。五知佛化儀。光音徹故。六示現成佛。觀見無故。七淨染機。照其源故。八摧

他障。有智幢故。九證法界。覺法性故。上之九句別明。則初句爲願。餘八爲行。通說則皆普賢願。宿誓今滿故。如十大願。並普賢行。現緣所作故。故總句云。成就行願。又此十句。十人通具。文云。皆悉成故。亦句顯一人之德。當釋各故。故總句爲普賢。餘九如次。前已配釋。鈔餘九如次者。如前云。一契理願圓。卽是釋德。普眼滿故。卽是屬人。二攝法上首。卽是顯德。爲普化故。卽普化菩薩。三受持正法。卽是顯德。有普慧故。卽是菩薩等。

爾時普賢菩薩摩訶薩。入廣大三昧。名佛華莊嚴。

疏大文第二爾時普賢下。三昧分。普賢入者是會
主故。說普行故。佛華嚴者。萬行披敷。嚴法身故。即
以法界行門。心海爲體。持無限故。說法成行。發起
爲用。依此能故。鈔佛華嚴下。釋佛華嚴。三昧華
者。菩薩萬行也。以因能感。果故。言如華嚴者。行成
果滿。契合相應。垢障外消。證理圓潔。隨用讚德。故
稱嚴也。三昧者。理智無二。交徹鎔融。彼此俱亡。能
所斯絕。故亦可華。卽是嚴。理智無礙。故華嚴卽三
昧。以行融離見。故華卽是嚴。一行頓修。一切行故。
華嚴三昧。卽多而不礙。一故。華嚴卽三昧。以定亂

雙融故。三昧卽華嚴。理智如故。晉經云。一切自在
難思議。華嚴三昧勢力故。此卽據行爲言。各華嚴
三昧。如賢首品。

入此三昧時。十方所有一切世界六種十八相動。出
大音聲。靡不皆聞。

疏大文第三入此三昧時下。明發起分。先明地動。
警羣機故。後顯出聲。令聞法故。前皆有加而無發
起。此有發起而無加分者。前表解可從他。故有他
加。此表行由已立。故自力發起。又表行依解起。無
別法故。不加攝解成行。亦須入定。聖旨多端。不可

一準。鈔前皆有加下。上畧釋文。此下對前料揀。然有二意。前意自他對說。後意亦通伏難。難云前釋入定云爲受佛加故。今無佛加何須入定。故爲此通。結云多端不可例難。然後從其二昧而起。

疏大文第四然後從下起分。二義如前。爾時普慧菩薩知衆已集。問普賢菩薩言。

疏大文第五爾時普慧下請分分三。初標問意。一佛子下。正顯問端。二善哉佛子下。結請願說。今初當機衆說。說法時至此爲問意。何以前來諸會

先問後定。今乃翻此。此有二意。一說儀無定。前表重法感而後應。此明悲深觀穢。欲說衆旣已集。故先入定。令知說主。二約所表。則前明從相入實。以成正解。此中依體起用以成正行。故不同也。普慧問者。稱法界慧。能發行齒。一人問者。行獨已成。非如解故。

佛子。願爲演說。何等爲菩薩摩訶薩。依何等爲奇特。想何等爲行。何等爲善知識。何等爲勤精進。何等爲心得安隱。何等爲成就衆生。何等爲戒。何等爲自知受記。何等爲入菩薩。何等爲入如來。何等爲入衆生。

心行何等爲入世界何等爲入劫何等爲說三世何等爲知三世何等爲發無疲厭心何等爲差別智何等爲陀羅尼何等爲演說佛何等爲發普賢心何等爲普賢行法以何等故而起大悲何等爲發菩提因緣何等爲於善知識起尊重心何等爲清淨何等爲諸波羅蜜何等爲智隨覺何等爲證知何等爲力何等爲平等何等爲佛法實義句何等爲說法何等爲持何等爲辨才何等爲自在何等爲無著性何等爲平等心何等爲出生智慧何等爲變化何等爲力持何等爲得大欣慰何等爲深入佛法何等爲依止

何等爲發無畏心何等爲發無疑惑心何等爲不思議何等爲巧密語何等爲巧分別智何等爲入三昧何等爲徧入何等爲解脫門何等爲神通何等爲明何等爲解脫何等爲園林何等爲宮殿何等爲所樂何等爲莊嚴何等爲發不動心何等爲不捨深大心何等爲觀察何等爲說法何等爲清淨何等爲印何等爲智光照何等爲無等任何等爲無下劣心何等爲如山增上心何等爲入無上菩提如海智何等爲如寶任何等爲發如金剛大乘普願心何等爲大發起何等爲究竟大事何等爲不壞信何等爲授記何

撰述

華嚴疏鈔卷五十三

四

支那

華嚴疏鈔卷五十三

四

撰述
華嚴疏鈔卷第十三
一
等爲善根迴向。何等爲得智慧。何等爲發無邊廣大心。何等爲伏藏。何等爲律儀。何等爲自在。何等爲無礙用。何等爲衆生無礙用。何等爲刹無礙用。何等爲法無礙用。何等爲身無礙用。何等爲願無礙用。何等爲境界無礙用。何等爲智無礙用。何等爲神通無礙用。何等爲神力無礙用。何等爲力無礙用。何等爲遊戲。何等爲境界。何等爲力。何等爲無畏。何等爲不共法。何等爲業。何等爲身。何等爲身業。何等爲身。何等爲語。何等爲淨修語業。何等爲得守護。何等爲成辦大事。何等爲心。何等爲發心。何等爲周徧心。何等爲

諸根。何等爲深心。何等爲增上深心。何等爲勤修。何等爲決定解。何等爲決定解入世界。何等爲決定解入衆生界。何等爲習氣。何等爲取。何等爲修。何等爲成就佛法。何等爲退失佛法道。何等爲離生道。何等爲決定法。何等爲出生佛法道。何等爲大丈夫名號。何等爲道。何等爲無量道。何等爲助道。何等爲修道。何等爲莊嚴道。何等爲足。何等爲手。何等爲腹。何等爲藏。何等爲心。何等爲被甲。何等爲器仗。何等爲首。何等爲眼。何等爲耳。何等爲鼻。何等爲舌。何等爲身。何等爲意。何等爲行。何等爲任。何等爲坐。何等爲卧。

撰述
華嚴疏鈔卷五十三
何等爲所住處。何等爲所行處。何等爲觀察。何等爲普觀察。何等爲奮迅。何等爲師子吼。何等爲清淨施。何等爲清淨戒。何等爲清淨忍。何等爲清淨精進。何等爲清淨定。何等爲清淨慧。何等爲清淨慈。何等爲清淨悲。何等爲清淨喜。何等爲清淨捨。何等爲義。何等爲法。何等爲福德。助道具。何等爲智慧。助道具。何等爲明足。何等爲求法。何等爲明了法。何等爲修行法。何等爲魔。何等爲魔業。何等爲捨離魔業。何等爲見佛。何等爲佛業。何等爲慢業。何等爲智業。何等爲魔所攝持。何等爲佛所攝持。何等爲法所攝持。何等

爲任毗率天所作業。何故於毗率天宮殿。何故現處胎。何等爲現微細趣。何故現初生。何故現微笑。何故示行七步。何故現童子地。何故現處內宮。何故現出家。何故示苦行。云何往詣道場。云何坐道場。何等爲坐道場時奇特相。何故示降魔。何等爲成如來力。云何轉法輪。何故因轉法輪得白淨法。何故如來應正等覺。示般涅槃。

疏第二正顯問端中。有二百句。其別行度世經。別作六番問荅。番番之中。皆先問次荅。後動地現瑞顯益證成。古來諸德。皆依彼文。用科此經。以爲六

段初二十句問十信行。二從發普賢心下二十句問十住行。三從力持下三十句問十行之行。四從如寶任下二十九句問十迴向行。五從身業下五十句問十地行。六從觀察下五十一句問因圓果滿行。其第四段中句雖三十。以無礙用一句是總標虛句。故此有五十一句。鈔以無礙用者。次下別問衆生無礙用等十問。下文各以十句答之。其無礙用句。卽用衆生無礙用等十句釋之。明是虛句。

疏此經總三編說六位。此當第二約行說也。以普

賢行該六位。故度世經初請云。唯願解說諸菩薩行。從始至終。令無疑故。彼經雖不配於信等。既云從始至終。未後復明成佛。則知決是六位之行。此經所以不問答相間者。意取位中之行。不取位故。如下圓融若尅定約位。何殊差別因果。此經上下及本業經等。判於六位。皆以信未入位。十住爲首。謂三賢十聖等妙覺故。今何不開等覺。而取信耶。此有深意。彼及此前。意在於位。取位成說。今此意明於行。故十信之行。正居行始等覺之位。有其三義。或攝屬前十地勝進。或攝屬後。卽名佛故。或

別開位無垢地故今爲說行攝屬因圓之中故五十一句唯後四句屬妙覺位餘皆等覺若爾此中依言依菩提心等豈非發心在耶此難尤非第二段初發普賢心豈非發心在耶十信之初豈無發心耶故賢首云菩薩發意求菩提非是無因無有緣等正是發心所依不究斯旨空張援據鈔此經下上直科釋今出爲六所以於中五一正明言三徧說者一差別因果是第一徧下法界品寄位修行爲第二徧故此爲第二既云此約行說則知前約解說後約證說也故度世下二引證證其二

義一證約行云諸菩薩行二證六位云從始至終彼經雖不下三遮伏難恐有難云既云始終何必配信等故爲此通此經所以下四會今經亦是通妨妨云彼中別別問答縱許配信此中通問何得例彼故爲此通此經上下五會異釋卽破判定於中有二先敘彼問卽判定問然其問意不問十信從十住問亦爲六段謂前四三賢十聖後二卽等妙二覺則令六段盡皆不同謂以信爲在以住爲行以行爲向以向爲地以地爲等覺以因圓果滿爲妙覺此判既乖卽知苑公於此一品經不解一

撰述
疏證鈔卷五十三
句以判六段盡皆錯故。此有深意下。二疏爲會釋。卽答其問也。於中有五。一總明爲行。故初有十信。等覺之位下。釋不開等覺所以。雖舉三義。而取第三別開。但攝在第六因圓之中。若爾中下。三卽出。刑定救義。欲令初是問十住故。此難尤非下。四破所引之文。不得文意。不究斯旨下。五結彈。援者註引也。引文不當。義旨全乖。故上判其不解一句。以信爲住。明不解信。亦不解住。以住爲行。明不解行。亦不解住等。故一品經。不解一句。
善哉佛子。如是等法。願爲演說。

爾時普賢菩薩告普慧等諸菩薩言。

疏大文第六爾時普賢菩薩告下。說分中二。先總告二佛子下。正答。答前門二百問。問一。答十。以顯無盡。成其二千。普賢勝行故。英公云。雲興二百問。瓶瀉二千酬。鈔英公云者。彼有九會禮讚。第八會云。法門當再席。法雨更滂流。懸河二百問。瓶瀉二千酬。一心窮性海。萬行炳齊修。五位因成滿。八相果圓周。今畧舉二句。復改懸河作雲興字。疏釋此二千畧爲五門。一約因果。二分行位。三顯普別。四明統收。五辨行相。前問例此。今初有四

撰述
華嚴疏鈔卷五十三
一約大位前五爲因後一爲果或後四門爲果餘皆是因二約細辨一一皆徹佛果故諸文末皆結得佛是則二千並通因果三或總屬因普賢位行示成佛果四或皆屬果下文多云雖得成佛不斷菩薩行故鈔普賢行位下通向四門是果之義疏二分行位者亦有四義一束行成位分成六分故二總屬位收以行並是位中行故三總屬行普賢行體不依位故四一行徧六位位位通修故如此無礙方爲普賢行然文正顯後二以攬行成位位虛行實故故問荅併舉不分六番意在此也

疏三普別者謂一行相必徧一切然恒不雜不雜故別義殊分必徧故普義該攝猶如錦文衆色成文常普常別縷縷交徹非如繡成行法亦爾卽普是別卽別成普皆無障礙若爾此則普別具足何以獨名普賢行耶非謂守普而不能別亦非作別而失於普實爲能別而不壞普故名普賢行也又普必有別但語一別未必有普如一縷非錦非是錦中縷故鈔若爾此則下上正釋普別此下通妨後非謂守普下解釋釋有二意一別不失普故名普賢不名別賢二又普必有別下明別不必普

撰述
聖嚴師錄卷五十三
普能攝別。故名普賢。如一縷下。出別無普。以錦外之縷。故別不必普。則有縷未必有錦。有錦必有其縷。兼成前義。別不失普。是普中別故。

疏四統收攝者。復有四重。一以位收位。六位各收一切位故。一位卽具二千。爲萬二千行也。上云一地之中。具足一切諸地功德。二以門收門。卽二百門。一一各收一切門。卽成二百。二百爲四萬行。三以行收行。一行具一切行。則有二千箇二千行。成四兆行。四以畧攝廣。此二千行。下頌結云。如大地一塵。以此一塵之畧說。不離十方之廣地。是故攝廣。亦無不盡。此乃等無極之法界。越無際之虛空。下頌云。虛空可度量。菩薩德無盡。斯之謂矣。鈔此乃等下結歎。

佛子。菩薩摩訶薩。有十種依。何等爲十。

疏五辨行相。卽隨文釋。釋寄相別。卽分六段。今初二百句。答前信行二十句問。文分三別。初九門。明自分行滿。二天諸菩薩。下八門。勝進行圓。三差別智下三門。明一行究竟。今初一門一類。卽爲九段。首明依者。起行所依故。謂依託菩提心等成萬行。故賢首中云。菩薩發意求菩提。非是無因無有緣。

等然二百門多分五別。一總標。二徵數。三列釋。四結數。五顯修勝益。或闕後二。或闕第五。至文當知。今此依中文具有五初二可知。鈔今初一門下。文中有四。初總標。二首明下。辯初門來意。三。然一百下。總科諸段。四。今此下。正釋經文。

所謂以菩提心爲依。恒不忘失故。以善知識爲依。和合如一故。以善根爲依。修集增長故。以波羅蜜爲依。具足修行故。以一切法爲依。究竟出離故。以大願爲依。增長菩提故。以諸行爲依。普皆成就故。以一切菩薩爲依。同一智慧故。以供養諸佛爲依。信心清淨故。以一切如來爲依。慈父教誨不斷故。是爲十。

疏就列釋中十句。各先標名。後釋義。一依菩提心者。十皆名依。已爲衆行之首。而菩提心復是十中之初。以是萬行之本。故貫二千之首。釋云。不忘失者。忘失菩提心。修諸善根。則是魔業故。依斯不忘。能成萬行。此句爲總。二上雖內有勝心。若外不依善友。行亦無成。故大聖謂善財言。求善知識。是無上菩提最初因緣。釋云。如一者。若不心行符契。豈爲我友。二若不增修善根。遇友何益。四隨所修善。須到彼岸。五非獨十度。觸境皆通。上四自利。六願。

七行並通自他。上皆依法。後三依人。八勝侶智同。九十唯佛究竟。爲所依處。故淨心供養。以成福德。長稟慈訓。以成智嚴。又前五自分。後五勝進。六廣菩提心。七廣三四五。後三廣第一。四結可知。鈔不忘失菩提心下。卽五十八經。

若諸菩薩安住此法。則得爲如來無上大智所依處。疏五顯修勝益者。由依上十成佛大智。爲一切所依。斯爲勝益。豈得不修。故亦名勸修。

佛子。菩薩摩訶薩。有十種奇特想。何等爲十。所謂於一切善根生自善根想。於一切善根生菩提種子想。於一切衆生。生菩提器想。於一切願生自願想。於一切法生出離想。於一切行。生自行想。於一切法。生佛法想。於一切語言。法生語言道想。於一切佛。生慈父想。於一切如來。生無二想。是爲十。若諸菩薩安住此法。則得無上善巧想。

疏第二奇特想者。前依因緣。以成諸行。今依勝相。以攝善根。翻妄想源。次所依故。並出常想。受奇特名。卽上文中常欲利樂諸衆生等利益之想也。十中。一以他善同己者。隨喜於他。情無彼此故。互爲同伴。相資益故。同體性故。卽我所行故。自他相卽

撰述
華嚴疏鈔卷五十二
故四六願行亦然。二一毫微善。皆是佛因。故法華中。舉手低頭。皆已成佛。三下至闡提。皆有佛性。故五思益云。知離名爲法故。七諸性相法。佛所證。故文殊云。我不見一法非佛法者。皆不可得。故諸軌儀法。皆佛所流。涅槃云。外道之法。亦如來正法之餘。故八因言契理。而理非言。故名言道。九佛以覺他圓滿。故爲慈父。十如來卽諸法如義。故無有二。益中無想之想。名善巧想。鈔一毫之善者。迴向已釋。故文殊云。我不見一法下。卽大般若曼殊室利分。前亦已引。涅槃云者。初卷宗中已引文意。

佛子。菩薩摩訶薩。有十種行。何等爲十。所謂一切衆生行。普令成熟。故一切求法行。咸悉修學。故一切善根行。悉使增長。故一切三昧行。一心不亂。故一切智慧行。無不了知。故一切修習行。無不能修。故一切佛刹行。皆悉莊嚴。故一切善友行。恭敬供養。故一切如來行。尊重承事。故一切神通行。變化自在。故是爲十。若諸菩薩安住此法。則得如來無上大智慧行。

疏第三十種行。依勝想之解。造修大行。想唯在心。行通三業。空想不行。亦無成辦。卽上文中修學處也。釋中唯九者。準晉本此脫。第三善學一切戒。具

十爲五對。一。下化上求。二。止惡進善。三。妙止深觀。四。修因嚴利。五。敬友事師。

佛子。菩薩摩訶薩。有十種善知識。何等爲十。所謂令住善提心善知識。令生善根善知識。令行諸波羅蜜善知識。令解說一切法善知識。令成熟一切衆生善知識。令得決定辯才善知識。令不著一切世間善知識。令於一切劫修行無厭倦善知識。令安住普賢行善知識。令入一切佛智所入善知識。是爲十。

疏第四善知識者。行起必依善友。故次明之。未知善令知。未知惡令識故。凡所順益皆我善友。故十皆益也。上云卽得親近善知識是。

佛子。菩薩摩訶薩。有十種勤精進。何等爲十。所謂教化一切衆生勤精進。深入一切法勤精進。嚴淨一切世界勤精進。修行一切菩薩所學勤精進。滅除一切衆生惡勤精進。止息一切三惡道苦勤精進。摧破一切衆魔勤精進。願爲一切衆生作清淨眼勤精進。供養一切諸佛勤精進。令一切如來皆悉歡喜勤精進。是爲十。若諸菩薩安住此法。則得具足如來無上精進波羅蜜。

疏第五精進者。行友既具。必須策勤於此十事。離

撰述
聖賢金卷五十三
身心相而進修不雜故。上云勤修佛功德。

佛子。菩薩摩訶薩。有十種心得安隱。何等爲十。所謂
自在菩提心。亦當令他任菩提心。心得安隱。自究竟
離忿諍。亦當令他離忿諍。心得安隱。自離凡愚法。亦
令他離凡愚法。心得安隱。自勤修善根。亦令他勤修
善根。心得安隱。自任波羅蜜道。亦令他任波羅蜜道。
心得安隱。自生在佛家。亦當令他生於佛家。心得安
隱。自深入無自性眞實法。亦令他入無自性眞實法。
心得安隱。自不誹謗一切佛法。亦令他不誹謗一切
佛法。心得安隱。自滿一切智菩提願。亦令他滿一切

智菩提願。心得安隱。自深入一切如來無盡智藏。亦
令他入一切如來無盡智藏。心得安隱。是爲十。若諸
菩薩安住此法。則得如來無上大智安隱。

疏第六心得安隱。進成二利。故獲心安。自利故智
心安。利他故悲心安。卽上文增上最勝心。十中。初
一行本。次二離過。一無諍。三昧離一切諍。二越凡
小。凡謂凡夫。愚卽愚法。小乘。次二進善。次三證入。
一入位。二入法。三入益。謂謗有二義。一麤言。此非
佛說等。其過彌大。二細。謂說不契實。其過則微。若
無細謗。證實方能。後二。因圓果滿。得益中。究竟安

隱謂菩提涅槃。鈔三入益者。以得證實。方無細
謗。卽是益也。

佛子。菩薩摩訶薩。有十種成就衆生。何等爲十。所謂
以布施成就衆生。以色身成就衆生。以說法成就衆
生。以同行成就衆生。以無染著成就衆生。以開示菩
薩行成就衆生。以熾然示現一切世界成就衆生。以
示現佛法大威德成就衆生。以種種神通變現成就
衆生。以種種微密善巧方便成就衆生。是爲十。菩薩
以此成就衆生界。

疏第七成就衆生者。上通明二利心安。今別明利

物成就。故上云則能慈愍度衆生。然有二義。一以
此十通用。成就一切衆生。二各成一類衆生。謂一
成就慳貪貧窮衆生。二成恃形色憍慢衆生。三疑
法。四狠矣。五貪愛。六樂二乘。七不樂嚴利。八不欣
佛果。九邪歸依。十邪智狡猾。以經中十法。如次成
就。

佛子。菩薩摩訶薩。有十種戒。何等爲十。所謂不捨菩
提心戒。遠離二乘地戒。觀察利益一切衆生戒。令一
切衆生住佛法戒。修一切菩薩所學戒。於一切法無
所得戒。以一切善根迴向菩提戒。不着一切如來身

撰述
聖嚴師金卷五十二
戒思惟一切法離取著戒諸根律儀戒是爲十。若諸菩薩安住此法則得如來無上廣大戒波羅蜜。
疏第八戒者欲成就衆生須自止惡行善十中若忘菩提心乃至諸根犯境皆名破菩薩戒故上云堅固大悲心則不破也此十三聚如應思之。

佛子菩薩摩訶薩有十種受記法菩薩以此自知受記何等爲十。所謂以殊勝意發菩提心自知受記永不厭捨諸菩薩行自知受記。任一切劫行菩薩行自知受記。修一切佛法自知受記。於一切佛教一向深信自知受記。修一切善根皆令成就自知受記。置一

切衆生於佛菩提自知受記。於一切善知識和合無二自知受記。於一切善知識起如來想自知受記。恒勤守護菩提本願自知受記。是爲十。

疏第九受記法者。既離過德成。自驗已行。必招當果。故自知受記。故上云若得無生深法。恐則爲諸佛所受記。卽此中一義。一見理深悲。卽發心殊勝。得果無疑。若因他厭苦。則非殊勝。未定得記。一無厭修。二長時修。四無餘修。五契理修。餘五可知。於此十中。隨有其一。卽自知得記。此辨得記之行。非顯受記相殊。如瑜伽等。又此約十信橫具。餘約豎

撰述
聖嚴師鈔卷五十二
位不同。鈔非顯受記下。如下五十五經不壞廻
向中十種受記中說。瑜伽卽當菩薩地。由六相故
佛爲授記。一安住種性未發心位。二已發心位。三
現前住。四不現前住。五有定時限。謂爾所時證菩
提。六無定時限。謂不說時限與受記。又善戒經。非
種性人亦得授記。如不輕授四衆記。種性如十信
得記。又此約下。結成上義。則得授記。瑜伽豎說授
記相殊。上來自分行竟。

佛子。菩薩摩訶薩。有十種入。入諸菩薩。何等爲十。所
謂入本願。入行入聚。入諸波羅蜜。入成就。入差別願。
入種種解。入莊嚴佛土。入神力自在。入示現受生。是
爲十。菩薩以此普入三世一切菩薩。

疏第二八門明勝進行中。旣自分行成。故勝進入
諸所入之處等。卽爲八段。今初入菩薩。入有二義。
一。證得義。二。觀達義。入因則通證通達。入果唯達
未證。此下五門。皆是智入。四五二入。亦通身入。今
此卽是入因。所以入者。卽彼所修。是我所修。互相
資益。爲同行故。故度世經名不相求短。卽上文中。
神通深密用等。四結可知。

佛子。菩薩摩訶薩。有十種入。入諸如來。何等爲十。所

撰述
謂入無邊成正覺。入無邊轉法輪。入無邊方便法。入無邊差別音聲。入無邊調伏衆生。入無邊神力自在。入無邊種種差別身。入無邊三昧。入無邊力無所畏。入無邊示現涅槃。是爲十。菩薩以此普入三世一切如來。

疏第二入諸如來。是入果。所以入者。必當證入。故上云。則以佛德自莊嚴。

佛子。菩薩摩訶薩。有十種入衆生行。何等爲十。所謂入一切衆生過去行。入一切衆生未來行。入一切衆生現在行。入一切衆生善行。入一切衆生不善行。入

一切衆生心行。入一切衆生根行。入一切衆生解行。入一切衆生煩惱習氣行。入一切衆生化化調伏時非時行。是爲十。菩薩以此普入一切諸衆生行。

疏第三入衆生行。前二入能化。此明入所化心行等。上云。悉能調伏諸衆生等。問中脫於心字。行有多種。如文可知。十時非時。謂熟未熟等。不知時者。非大法師。

佛子。菩薩摩訶薩。有十種入世界。何等爲十。所謂入染世界。入淨世界。入小世界。入大世界。入微塵中世界。入微細世界。入覆世界。入仰世界。入有佛世界。入

無佛世界。是爲十。菩薩以此普入十方一切世界。

疏第四入世界。對佛是依報。對生是化處。上云普隨諸趣而現身。結云普入者。不離此十故。一時頓入。非前後故。

佛子。菩薩摩訶薩。有十種入劫。何等爲十。所謂入過去劫。入未來劫。入現在劫。入可數劫。入不可數劫。入可數劫。卽不可數劫。入不可數劫。卽可數劫。入一切劫。卽非劫。入非劫。卽一切劫。入一切劫。卽一念。是爲十。菩薩以此普入一切劫。

疏第五入劫者。卽是化時。此下三門。皆是成上一

念。悉知無有餘也。十中前五直入。後五約相卽入。此相卽入有二意。一彼劫相卽。智入彼故。二由彼劫相攝相入。故但入能攝。卽入彼所攝等。餘如前發心品。

佛子。菩薩摩訶薩。有十種說三世。何等爲十。所謂過去世說。過去世。過去世說。未來世說。過去世說。現在世說。未來世說。過去世說。未來世說。現在世說。未來世說。無盡。現在世說。過去世說。現在世說。未來世說。現在世說平等。現在世說三世卽一念。是爲十。菩薩以此普說三世。疏第六說三世者。前劫此世。長短有異。通皆時分。

並是十世隔法異成。十中前九別。後一總。別中三世各三。故成九世。未來是續起法。故未來未來。名爲無盡。過去已起。故過去過去。不名無盡。現在現在。卽事可見。例過未之現在。故云平等。過未之現在。非可見故。但對前後。立現在名。

疏然此三世。何以成九。古人釋云。義說爲九。實唯有五。意云。如五日相望。前三爲過去。三世從後取。三爲未來。三世處中取。三爲現在。三世若依此釋。進無九世之體。退過三世之數。云何一念得具九耶。

疏今謂若不令九緣起相由。但以三世緣起相由。卽九世成矣。謂過去因現未。則過去之中有現未。現未各因二世亦然。是以三世各三。故中觀云。若法所因出。是法不異因。中論破執。則一中有三。爲過。此明離過之用。則一中有三。爲德。以病成藥。豈不良哉。鈔今謂已下四申正義。於中有三。一具約九世緣起相由。昔設用九日而爲九世。於理無違。謂過去下。初正明也。是中論破時品意。謂小乘立有實時。菩薩以相待門破之。若因過去時。有未來現在。未來現在時。應名爲過去。若過去時中。無

撰述 華嚴疏鈔卷五十三
未來現在。未來現在時。云何因過去。釋曰。此中論意。以過去爲因。現未爲果。果由因有。故無二時。前偈縱成。則果應各因。亦因中有果。後偈奪其因。旣不各爲果。則果不從於因。亦應以現在爲因。過未爲果。未來爲因。過現爲果。但長行例耳。今疏具明。而以一爲果。以二爲因。初以過去爲果。現未爲因。過去果中。應有因起。故下引證云。若法所因出。是法不異因。則果不異因。是果中有因也。次現未下。例釋二世爲果。亦各用二世爲因。謂現在果。因於過未。未來之果。因過現也。從是以三世各有三者。

總結。故中觀云下。二引證。卽是第二論觀合品。具云。異因異有異。異離異無異。若法所因出。是法不異因。十通品已引。此中但取果不異因之一義耳。如因梁椽以成於舍。梁椽若壞。則舍亦壞。果不異因。故若果不異因。則過去爲果。則應各現未。現未卽是過去。因故。中論破執下。第三解妨。妨云。此是中論破時。則果中有因。因中有果。皆成雜亂。旣不相有。明無定時。今何將過以爲其德。故有此通。遣執成德。二義懸差。若執三時。有定性者。尚不能見無性之理。安知一中卽三具耶。今由無性。方互相

由成無盡耳。以病成下。結讚其能。

疏總云一念者。前之九世。相望以立。今攝末歸本。不離一念。卽此一念現在。是過去未來。是未來過去。自具三世。三世相由。九十具矣。故以一融九。雖九而常一。以一別九。雖一而常九。九一無礙。沒果絕言。假十圓融。爲入門矣。况積念成世。念外無世耶。又無念等故。又法性同故。此有四義。後三通於餘宗。鈔卽此一念下。成其九十。先成九世。此一念上。雖因前後。而其三世全在一中。一中之三。更互相因。故爲九世本之一念。故爲十耳。故以一下。

以一對九。互融相成。結成上義。九約於義。一約實體。體用相融。故常九常一。無有障礙。體用相奪。離九一相。故同果海。假十圓下。收前正義。亦是釋疑。疑云。旣以絕言而爲果海。何要十耶。故今釋云。假之爲門。則是說大。同果絕言。卽義大也。上卽圓教之義。二况積念下。卽始教義。三又無念等故。卽頓教義。四又法性同故。卽終教義。故結云有四。後三通餘宗。謂法相無相。大乘等宗也。上取同義。若取別義。第四法性同故。卽是理性融通之門。乃圓教義。故云後三通於餘宗。非全同餘宗。則顯二三亦

是此宗同教一乘。若作法性融通釋者。然此九世時無別體。唯依緣起緣起無性卽眞法性。理融通故。今時融通無礙自在。畧有四重。一相泯俱盡。二相與兩存。三相隨互攝。四相是互卽。初中以本從未。唯事而無理。以未從本。唯理而無事。二中全事之理非事。故一相無時。全理之事非理。故九世不亂。二中由隨事之理故。令一時能容一切時。由隨理之事故。令一切時隨理入一時中。多一反上。互入可知。四中由卽理之事故。令一時卽一切時。由卽事之理故。令一切時卽一時。唯理無物可相卽

入。唯事相礙不可卽入。要以事理相從無礙。方有卽入。思之可見。

佛子。菩薩摩訶薩。有十種知三世。何等爲十。所謂知諸安立。知諸語言。知諸談議。知諸軌則。知諸稱謂。知諸制令。知其假名。知其無盡。知其寂滅。知一切空。是爲十。菩薩以此普知一切三世諸法。

疏第七知三世者。前之二段。明法上之時。此辨時中之法。卽化生之法。隨彼安立而化故。是上所知之法。故晉經各三世間。度世經各入於三處。皆意取其中事也。十中初七知安立諦。次一通二。成上

撰述
安立事無有盡。生下非安立。性無可盡。後二句。知非安立。

佛子。菩薩摩訶薩。發十種無疲厭心。何等爲十。所謂供養一切諸佛無疲厭心。親近一切善知識無疲厭心。求一切法無疲厭心。聽聞正法無疲厭心。宣說正法無疲厭心。教化調伏一切衆生無疲厭心。置一切衆生於佛。菩提無疲厭心。於一一世界經不可說不可說劫行菩薩行無疲厭心。遊行一切世界無疲厭心。觀察思惟一切佛法無疲厭心。是爲十。若諸菩薩安住此法。則得如來無疲厭無上大智。

疏第八無疲厭心。旣所化無邊。求法化之而無厭怠。由上卽知煩惱無所起故。十中初四上求。次四下化。後二通二。謂游刹近佛化生故。思惟二利行法故。上八門勝進行竟。

佛子。菩薩摩訶薩。有十種差別智。何等爲十。所謂知衆生差別智。知諸根差別智。知業報差別智。知受生差別智。知世界差別智。知法界差別智。知諸佛差別智。知諸法差別智。知三世差別智。知一切語言道差別智。是爲十。若諸菩薩安住此法。則得如來無上廣大差別智。

撰述
疏第三有三門。明前一。行究竟。今初一門。明所持差別智究竟。上云。則以智慧辯才力。隨衆生心而化誘也。

佛子。菩薩摩訶薩。有十種陀羅尼。何等爲十。所謂聞持陀羅尼。持一切法不忘失故。修行陀羅尼。如實巧觀一切法故。思惟陀羅尼。了知一切諸法性故。法光明陀羅尼。照不思議諸佛法故。三昧陀羅尼。普於現在一切佛所聽聞正法心不亂故。圓音陀羅尼。解了不思議音聲語言故。三世陀羅尼。演說二世不可思議諸佛法故。種種辯才陀羅尼。演說無邊諸佛法故。出生無礙耳陀羅尼。不可說佛所說之法。悉能聞故。一切佛法陀羅尼。安住如來力無畏故。是爲十。若諸菩薩欲得此法。當勤修學。

疏第二陀羅尼卽能持究竟。上云。修行諸度勝解脫等。十中初一聞持。次四義持。次四廣聞持之用。後一收上義持。又初四如次持教行理果。次二重顯持行。卽定慧故。次一持理。不思議故。次二重顯教。後一重顯果。

佛子。菩薩摩訶薩。說十種佛。何等爲十。所謂成正覺佛。願佛。業報佛。任持佛。涅槃佛。法界佛。心佛。三昧佛。

撰述
華嚴疏鈔卷五十三
三
本性佛。隨樂佛。是爲十。

疏第三說十種佛。上能持所持。皆是佛法。王究竟上云。則得灌頂而升位等。十信滿心。便得佛故。然此十佛。與下十種見佛名義全同。與前十身名有同異。而義亦不殊。一示成正覺故。卽前菩提身。二願生兜率故。與前全同。三萬行因感故。卽前相好莊嚴身。四自身舍利任持故。卽力持身。五涅槃佛化必示滅故。卽前化身。六法界佛。眞無漏界故。卽前法身。七依唯心故。卽威勢身。雖光明亦能攝伏。心伏最勝。如慈心降魔等。八常在定故。卽福德身。

定爲福之最故。九了本性故。卽前智身。大圓鏡智。平等性智。皆本有故。故下云明了見。十隨所欲樂。無不現故。卽意生身。故晉經云。如意佛。然佛就內覺。身多就相。故立名不同。餘廣如別章。畧如八地。鈔一示成正覺故者。但唐梵之異。九了本性故者。非約所了。所了卽法界故。然佛下。會釋二門總名。廣如別章。卽華嚴章門中。亦義分齊內。

○疏大文第二發普賢心下。有二十門。答前二十句問。明十住行法。古德同分爲四。初六門。別明發心任義。二十種波羅蜜。下六門。明餘九住中所成內。

撰述
華嚴疏鈔卷五十三
德行。三從十種說法。下三門。明諸在中外化行。四從十種自在。下有五門。明無礙殊勝行。非不有理。今取順十住經文。二十門如次。明十住行。但與前行互有廣畧影顯。解中之行。廣無盡故。若依圓融。行行徧通。若不壞相。不妨次第。初四門。明初住行。二、三各有二門。四、五各一。後五皆二門。今初四門。明發心住。初一總明。後三別顯。鈔若依圓融。下五通妨。妨云。既沒位名。意存大行。何須別配。故今釋云。行既有二。意取圓融。卽沒於位。約於行布。不妨次第。若無次第。何所圓融。初之四門。正依位科。

下文解釋。若有疑者。但觀前經。自當曉了。

佛子。菩薩摩訶薩。發十種普賢心。

疏。今初總發名普賢心。前十住中。自分之內。卽緣佛十力發心。但廣發心之境。今發普賢心。則廣發心之相。影畧明故。普賢心者。卽菩提心。就果以明。普賢心。約相用說。橫周法界。豎窮未來故。

何等爲十。所謂發大慈心。救護一切衆生故。發大悲心。代一切衆生受苦故。發一切施心。悉捨所有故。發念一切智爲首心。樂求一切佛法故。發功德莊嚴心。學一切菩薩行故。發如金剛心。一切處受生。不忘失。

撰述
聖嚴師鈔卷五十二
故發如海心。一切白淨法悉流入故。發如大山王心。一切惡言皆忍受故。發安隱心。施一切衆生無怖畏故。發般若波羅蜜究竟心。巧觀一切法無所有故。是爲十。若諸菩薩安住此法。疾得成就普賢善巧智。疏十中。初三悲護衆生心。次六起願心。於中一求果智卽前緣佛十力。二求因行。三豎。四廣。四皆上求願。恐施下化願。後一智心。卽三心菩提也。又前七護小乘。於中初三護陋心。後四護小心。餘三護煩惱心。故異凡小。是菩提心。又初三衆生無邊普願度。度生無吝。故一切施也。次一佛道無了普願。

成次三法門無盡普願學。後三煩惱無邊普願斷。卽四弘普願觀理發心。

佛子。菩薩摩訶薩。有十種普賢行法。何等爲十。所謂願任未來一切劫普賢行法。願供養恭敬未來一切佛普賢行法。願安置一切衆生於普賢菩薩行普賢行法。願積集一切善根普賢行法。願入一切波羅蜜普賢行法。願滿足一切菩薩行普賢行法。願莊嚴一切世界普賢行法。願生一切佛刹普賢行法。願善觀察一切法普賢行法。願於一切佛國土成無上菩提普賢行法。是爲十。若諸菩薩勤修此法。疾得滿足普

賢行願。

疏二有十種普賢行法下。別明菩提心。此門卽大願心。亦卽是前勝進行。所謂勤供養佛。樂住生死。等。文相多同。恐繁不會。鈔亦卽是下。反舉其二。等於餘八。十者。一勤供養佛。二樂住生死。三導世間。令除惡業。四以勝妙法。常行教誨。五歎無上法。六學佛功德。七生諸佛前。恒蒙攝授。八方便演說寂靜三昧。九讚歎遠離生死輪迴。十爲苦眾生作歸依處。文旨相同。恐繁不會。今當爲會。一卽第二。二卽第一。其三。四。五。六。如其次第。七卽第九。

八卽第七。九卽第八。十成大菩提。方堪爲苦眾生依故。其間小有異處。會意皆同。

佛子。菩薩摩訶薩。以十種觀察眾生而起大悲。何等爲十。所謂觀察眾生無依無怙而起大悲。觀察眾生性不調順而起大悲。觀察眾生貧無善根而起大悲。觀察眾生長夜睡眠而起大悲。觀察眾生行不善法而起大悲。觀察眾生欲縛所縛而起大悲。觀察眾生沒生死海而起大悲。觀察眾生長嬰疾苦而起大悲。觀察眾生無善法欲而起大悲。觀察眾生失諸佛法而起大悲。是爲十。菩薩恒以此心觀察眾生。

疏三有十種大悲。卽別明悲心。初一總謂外無善友可依。內無自德可怙故。餘九別。初五欲求衆生。但縱目前之情故。次一有求衆生。故沒生死海。後二邪梵行求衆生。無明邪見之所病故。但欲邪法故。

佛子。菩薩摩訶薩。有十種發菩提心因緣。何等爲十。所謂爲教化調伏一切衆生。故發菩提心。爲除滅一切衆生苦聚。故發菩提心。爲與一切衆生具足安樂。故發菩提心。爲斷一切衆生愚癡。故發菩提心。爲與一切衆生佛智。故發菩提心。爲恭敬供養一切諸佛。故發菩提心。爲隨如來教。令佛歡喜。故發菩提心。爲見一切佛色身相好。故發菩提心。爲入一切佛廣大智慧。故發菩提心。爲顯現諸佛力。無所畏。故發菩提心。是爲十。

疏四有十種菩提心因緣。別顯智心觀境。推理發心別故。此與前自分行中發心因緣亦互影畧。十中前五以薩埵爲緣。初句總。餘四別。別中一令滅妄苦。二得真滅。三斷癡集。四證眞道。卽推無作四諦理發菩提心。後五以菩提心爲緣。初二福智因。後二希福智果。然上一二段。文舍二意。一成上發心。

撰述
聖嚴師錄卷五十三
住中行。二成下治地住中行。謂十種大悲。卽廣彼
自中分十心之一。菩提因緣。前五卽彼自中分初
之五心。一利益。二大悲。三安樂。四憐愍。五安住。後
五卽彼此互闕。鈔此與前下。彼經有十。一見佛
世尊形貌端嚴。二色相圓滿。三人所樂見。四難可
值遇。五有大威力。六或見神足。七或聞記別。八或
聽教誡。九或見衆生受諸劇苦。十或聞如來廣大
佛法。發菩提心。求一切智。今言影畧者。前五下化
衆生。卽前第九。或見衆生受諸劇苦。卽正當第二。
則彼畧此廣。彼一義舍此五。此影取也。後五上求

佛道。第六第八卽攝彼六。則此畧彼廣。第七卽
前七八記別教誡。九十卽彼第十廣大佛法。故云
影畧。後之五句下。彼五卽攝受守護同已。師心導
師心。彼闕此五可知。

佛子。若菩薩發無上菩提心。爲悟入一切智智故。親
近供養善知識時。應起十種心。何等爲十。所謂起給
侍心。歡喜心。無違心。隨順心。無異求心。一向心。同善
根心。同願心。如來心。同圓滿行心。是爲十。

疏第二近善知識下二門。正明治地住中行。此門
明勝進中近善知識。文中標內兼是顯意。列中前

撰述
聖嚴師錄卷五十三
六事友。後四同修。無異求者。不求名聞利養。及過失故。鈔此門。卽勝進者。彼具十句云。所謂誦習。多聞。虛閑。寂靜。近善。知識。發言和悅。語必知時。心無怯怖。了達於義。如法修行。遠離愚迷。安住不動。釋曰。後之四句。在後清淨之中。今言近善知識。卽彼第二。第三是總。下四五六句。皆是發心之德。卽此中別意。其彼初二句。文中畧無。

佛子。若菩薩摩訶薩。起如是心。則得十種清淨。何等爲十。所謂深心清淨。到於究竟無失壞故。色身清淨。隨其所宜爲示現故。音聲清淨。了達一切諸語言故。

辯才清淨。善說無邊諸佛法故。智慧清淨。捨離一切愚癡暗故。受生清淨。具足菩薩自在力故。眷屬清淨。成就過去同行衆。生諸善根故。果報清淨。除滅一切諸業障故。大願清淨。與諸菩薩性無二故。諸行清淨。以普賢乘而出離故。是爲十。

疏二十種清淨下。卽勝近友之果。故云起如是心。卽得此十。卽是前文了達於義。如法修行。遠離愚迷。安住不動。梵云波利戊提。此有二義。一徧清淨。卽此十種。二極清淨。卽下第六十四段。列中初六三業淨。前三體淨。後二用淨。次二主伴果報淨。後

二願行淨。鈔梵云波利戍提者。戍字率音。戍提者。此云清淨。波利是徧是極。

佛子。菩薩摩訶薩。有十種波羅蜜。何等爲十。所謂施波羅蜜。悉捨一切諸所有故。戒波羅蜜。淨佛戒故。忍波羅蜜。任佛忍故。精進波羅蜜。一切所作不退轉故。禪波羅蜜。念一境故。般若波羅蜜。如實觀察一切法故。智波羅蜜。入佛力故。願波羅蜜。滿足普賢諸大願故。神通波羅蜜。示現一切自在用故。法波羅蜜。普入一切諸佛法故。是爲十。若諸菩薩安住此法。則得具足如來無上大智波羅蜜。

疏第三波羅蜜下有二門。明修行在中行。此門卽自分。行彼開一慧爲十觀察。今總顯修。具修十度。十度皆總相而釋。一一多舍。故施云一切皆捨等。智卽方便。進趣佛力。權智立以智名。神通卽力度。晉名神力。法卽是智。從所知名法。鈔彼開一慧者。經云此菩薩以十種行。觀一切法。所謂觀一切法無常。二苦。三空。四無我。五無作。六無味。七不如名。八無處所。九離分別。十無堅實。皆如初句有一切法。

佛子。菩薩摩訶薩。有十種智隨覺。何等爲十。所謂一

撰述
華嚴經疏鈔卷五十三
一切世界無量差別智隨覺。一切衆生界不可思議智隨覺。一切諸法一入種種種種入一智隨覺。一切法界廣大智隨覺。一切虛空界究竟智隨覺。一切世界入過去世智隨覺。一切世界入未來世智隨覺。一切世界入現在世智隨覺。一切如來無量行願皆於一智而得圓滿智隨覺。三世諸佛皆同一行而得出離智隨覺。是爲十。若諸菩薩安住此法。則得一切法自在光明。所願皆滿。於一念頃。悉能解了一切佛法。成等正覺。

疏二十種智隨覺。由前行成。無倒了達。隨事隨理。

善覺知故。卽前勝進十法。觀察衆生界等。亦有影畧。恐繁不會。鈔言卽前勝進者。彼經云。所謂觀察衆生世界。觀察地界。水界。觀察欲界。色界。無色界。影畧可知。

佛子。菩薩摩訶薩。有十種證知。何等爲十。所謂知一切法一相。知一切法無量相。知一切法在一念。知一切衆生心行無礙。知一切衆生諸根平等。知一切衆生煩惱習氣行。知一切衆生心使行。知一切衆生善不善行。知一切菩薩願行自在。住持變化。知一切如來具足十力。成等正覺。是爲十。若諸菩薩安住此法。

則得一切法善巧方便。

疏第四證知一門。明生貴任中行。五卽彼自分行。由前了達。故能證知。證故於聖教中生。十中初三。總知一切法。次五廣。前知衆生。九菩薩行願。卽前業行中攝。後一。卽知涅槃。對生死故。其勝進。但了佛法。無別行相。故畧不明。鈔第四證知者。彼自分行。云此菩薩於聖教中生。成就十法。所謂永不退轉。於諸佛所。深生淨信。善觀察法。了知衆生。國土世界。業行果報。生死涅槃。是爲十。疏會異同可知。

佛子。菩薩摩訶薩。有十種力。何等爲十。所謂人一切法自性力。入一切法如化力。入一切法如幻力。入一切法皆是佛法力。於一切法無染著力。於一切法甚明解力。於一切善知識。恒不捨離。尊重心力。令一切善根順至。無上智王力。於一切佛法。深信不謗力。令一切智心不退。善巧力。是爲十。若諸菩薩。安住此法。則具如來無上諸力。

疏第五十種力。卽具足方便。任中行。準梵本。此名積集。卽方便具足之義。下第九十五。卽是十力。前十任中。但云所修諸行。皆爲衆生。不知修何。今顯

撰述
所修之行。又入卽了達。兼其勝進。解眾生等。於中
前六解法力。餘四上求力。鈔但云所修者。畧義
而已。其云皆爲救護一切眾生。二饒益。三安樂。四
哀愍。五度脫。此上皆同初句。有一切眾生言。六令
一切眾生離諸災難。七出生死苦。八發生淨信。九
悉得調伏。十咸證涅槃。後五先明令一切眾生兼
其勝進者。彼經云菩薩應勸學十法。所謂知眾生
無邊。二無量。三無數。四不思議。五無量色。六不可
量。七空。八無所作。九無所有。十無自性。皆如初句。
有知眾生故。

佛子。菩薩摩訶薩。有十種平等。何等爲十。所謂於一
切眾生平等。一切法平等。一切刹平等。一切深心平
等。一切善根平等。一切菩薩平等。一切願平等。一切
波羅蜜平等。一切行平等。一切佛平等。是爲十。若諸
菩薩安住此法。則得一切諸佛無上平等法。

疏第六十種平等下二門。明正心住。此門卽自分
行。由了平等。故聞讚毀。心定不動。然平等之言。通
有三義。一事等。謂十類各各相望。如說眾生等有
佛性。乃至諸佛同一法身。一心一智等。二者理等。
謂此十類等一真故。三心等。由了前二卽之於心。

故於十境不生高下。十中。一於衆生等。謂無冤親。故。二於善惡不生分別故。三見染見淨無高下故。四同一真道而出離故。五無一善根不爲佛故。六於諸同行如自己故。七一大願徹來際故。八不謂般若勝檀等故。九隨一行徹事理故。十不謂此佛此最勝故。鈔聞讚毀者。彼云此菩薩聞十種法。心定不動。所謂聞讚毀佛。於佛法中心定不動。二法。三菩薩。四所行。五聞衆生有量無量。六衆生有垢無垢。七衆生易度難度。八法界有量無量。九法界或有或無。十法界有成有壞。皆如初句。

佛子。菩薩摩訶薩。有十種佛法實義句。何等爲十。所謂一切法但有名。一切法猶如幻。一切法猶如影。一切法但緣起。一切法業清淨。一切法但文字所作。一切法實際。一切法無相。一切法第一義。一切法法界。是爲十。若諸菩薩安住此法。則善入一切智智無上眞實義。

疏。二十種佛法實義句者。卽彼勝進中行。與前雖少前却。而義多同。於中初一約徧計都無實故。次四約依他。後五約圓成。一無名相中。假名說故。餘四各一義可知。鈔卽彼勝進者。彼云菩薩應勸

學十法所謂一切法無相。二無體。三不可修。四無所有。五無真實。六空。七無性。八如幻。九如夢。十無分別。皆如初句有一切法言。前却可思。

佛子。菩薩摩訶薩說十種法。何等爲十。所謂說甚深法。說廣大法。說種種法。說一切智法。說隨順波羅蜜法。說出生如來力法。說三世相應法。說令菩薩不退法。說讚歎佛功德法。說一切菩薩學。一切佛平等。一切如來境界相應法。是爲十。若諸菩薩安住此法。則得如來無上巧說法。

疏第七說十種法。下有二門。明不退住。中行。於中

初一自分。後一勝進。前中由能說深廣法故。聞說心不退轉。所以說業性等。成如來力。隨義演說。令菩薩不退。涅槃二十八中。廣明退不退相。餘文可知。鈔聞說者。大同前位。亦有十句。聞有佛無佛。於佛法中心不退轉。二有法無法。三有菩薩無菩薩。四有菩薩行無菩薩行。五菩薩修行出離。修行不出離。六過去有佛。過去無佛。七未來。八現在。同過去。九聞佛智有盡無盡。十聞三世一相。三世非一相。皆如初句。涅槃二十八中者。中有云。有六種法壞善提心。一者恡法。二者於諸衆生起不善心。

撰述
華嚴疏鈔卷五十三
三者親近惡友。四者不勤精進。五者自大。六者慢。六者營務世業。釋曰無此六事。則不退也。

佛子。菩薩摩訶薩。有十種持。何等爲十。所謂持所集一切福德善根。持一切如來所說法。持一切譬喻。持一切法理趣門。持一切出生陀羅尼門。持一切除疑惑法。持成就一切菩薩法。持一切如來所說平等三昧門。持一切法照明門。持一切諸佛神通遊戲力。是爲十。若諸菩薩安住此法。則得如來無上大智。住持力。

疏二十種持。持謂受持奉行。非但宣之於口。十句

可知。

佛子。菩薩摩訶薩。有十種辯才。何等爲十。所謂於一切法無分別辯才。於一切法無所作辯才。於一切法無所着辯才。於一切法了達空辯才。於一切法無疑暗辯才。於一切法佛加被辯才。於一切法自覺悟辯才。於一切法文句差別善巧辯才。於一切法真實說辯才。隨一切衆生心。令歡喜辯才。是爲十。若諸菩薩安住此法。則得如來無上巧妙辯才。

疏第八十種辯才。下二門。明童真住中行。此門卽自分行。由三業無失故。有無著辯。由知衆生欲解

撰述
華嚴師金卷五十三
故辯令他喜。鈔此門卽自分行者。彼具云所謂
身行無失。語行無失。隨意受生。知衆生種種欲。知
衆生種種解。知衆生種種界。知衆生種種業。知世
界成壞。神足自在。所行無礙。是爲十。

佛子。菩薩摩訶薩。有十種自在。何等爲十。所謂教化
調伏一切衆生自在。普照一切法自在。修一切善根
行自在。廣大智自在。無所依戒自在。一切善根迴向
菩提自在。精進不退轉自在。智慧摧破一切衆魔自
在。隨所樂欲令發菩提心自在。隨所應化現成正覺
自在。是爲十。若諸菩薩安住此法。則得如來無上大

智自在。

疏後門卽彼勝進。現變化自在身等。皆自在義。

鈔後門卽彼下。彼云。彼菩薩應勸學十法。所謂知
一切佛刹。二動一切佛刹。三持四觀。五詣六遊。上
皆有一切佛刹。言七遊行無數世界。八領受無數
佛法。九現變化身出廣大徧滿音。十一刹那中奉
事供養無數諸佛。今疏舉一以等於餘故。

佛子。菩薩摩訶薩。有十種無著。何等爲十。所謂於一
切世界無著。於一切衆生無著。於一切法無著。於一
切所作無著。於一切善根無著。於一切受生處無著。

撰述
聖嚴師錄卷五十三
於一切願無著。於一切行無著。於一切菩薩無著。於一切佛無著。是爲十。若諸菩薩安住此法。則能速轉一切衆想得無上清淨智慧。

疏第九十種無著。下一門。明王子在中行。此門由無著故。能善知十法。鈔能善知者。彼經云。此菩薩善知十種法。所謂善知諸衆生受生。二諸煩惱現起。三習氣相續。四所行方便。五無量法。六諸威儀。七世界差別。八前際後際事。九演說世諦。十演說第一義諦。句句皆有善知之言。

佛子。菩薩摩訶薩。有十種平等心。何等爲十。所謂積集一切功德平等心。發一切差別願平等心。於一切衆生身平等心。於一切衆生業報平等心。於一切法平等心。於一切淨穢國土平等心。於一切衆生解平等心。於一切行無所分別平等心。於一切佛力無畏平等心。於一切如來智慧平等心。是爲十。若諸菩薩安住其中。則得如來無上大平等心。

疏後門由平等故。勝進學法王處法。鈔後門勝進者。彼云佛子。菩薩應勸學十法。所謂法王處善巧。二軌度。三宮殿。四趣入。五觀察。六灌頂。七力持。八無畏。九宴寢。十讚歎。皆如初句。後五畧無處字。

撰述
華嚴疏鈔卷五十三
佛子。菩薩摩訶薩。有十種出生智慧。何等爲十。所謂
知一切衆生解出生智慧。知一切佛刹種種差別出
生智慧。知十方網分齊出生智慧。知覆仰等一切世
界出生智慧。知一切法一性種種性廣大性出生智
慧。知一切種種身出生智慧。知一切世間顛倒妄想
悉無所著出生智慧。知一切法究竟皆以一道出離
出生智慧。知如來神力能入一切法界出生智慧。知
三世一切衆生佛種不斷出生智慧。是爲十。若諸菩
薩安住此法。則於諸法無不了達。

疏第十。十種出生智下。二門。明灌頂位中行。此門

明成就十智。學佛十智。欽此門明下。彼勝進云。
此菩薩應勸學諸佛十種智。所謂三世智。佛法智。
法界無礙智。法界無邊智。充滿一切世界智。普照
一切世界智。任持一切世界智。知一切衆生智。知
一切法智。知無邊諸佛智。

佛子。菩薩摩訶薩。有十種變化。何等爲十。所謂一切
衆生變化。一切身變化。一切刹變化。一切供養變化。
一切音聲變化。一切行願變化。一切教化調伏衆生
變化。一切成正覺變化。一切說法變化。一切加持變
化。是爲十。若諸菩薩安住此法。則得具足一切無上

變化法。

疏後十種變化。故能動刹等。然此變化。卽實如化。非要化作。上來數段。文相並顯。雖有深旨。類前可知。鈔後自分中者。卽彼經自分十法云。此菩薩得成就十種智。所謂振動無數世界。二照明。三任持。四往詣。五嚴淨。上五皆有無數世界言。六開示無數衆生。七觀察無數衆生根。八知無數衆生。九令無數衆生趣入。十令無數衆生調伏。然此變化者。謂緣生如化故。若變化作。無而忽有。故佛地論第三云。化身三種。一自身相應化。謂自身作輪王等。二他身相應化。謂化王爲佛身等。三非身相應化。化大地爲寶等。今並非此。

信士陸鍾奇同室李氏側室王氏捐資九兩

三錢二分刻此一卷伏願

吉祥叶相。穀穀茂滋。紫金光聚之所加。麟祥
垂衍。白玉明毫之所照。鵬運高舉。罪滅河沙。
福齊空界者。

大方廣佛華嚴經疏鈔卷五十三

終

撰述

聖嚴師鈔卷五十三


五

大方廣佛華嚴經疏鈔卷五十三

金

冊

印



大方廣佛華嚴經疏鈔卷五十四

于闐國三藏沙門實叉難陀 譯

清涼山大華嚴寺沙門澄觀撰述

離世間品第三十八之二力持一段為順疏三十門權置此卷之前

○疏大文第三十種力持下有三十門答前十行三

十句問古德分三初六門明大志曠遠行二從十

種不思議下九門明定慧業用行二從十種園林

下十五門明德備成滿行然約圓融此意非無今

不壞次亦次第顯十行中行第一行有二門二三

行各一第四行二門第五行六門次四行各二門

支那

華嚴疏鈔卷五十四

七

第十行有九門。至文當知。所以用門多少者。檀在初。故具三戒。忍通世間。故唯一。定慧尊勝。故有多門。智中既多。故般若中畧。餘次勝。故但用二門。又此十行。雖約十度。而義多含。故文中。或就十度明義。或就行名以釋。

佛子。菩薩摩訶薩。有十種力持。何等爲十。所謂佛力持。法力持。衆生力持。業力持。行力持。願力持。境界力持。時力持。善力持。智力持。是爲十。若諸菩薩安住此法。則於一切法得無上自在力持。

疏。今初三門。明歡喜行之行。三中初明力持。此

合總別。總者。以是十行之首。依此十事。加持建立。能起諸行。故度世經名十建立。別即歡喜行中。凡所布施。皆爲修習諸佛本所修行等故。是建立行意。十中初二三寶。即境界持。衆生即僧寶。菩薩之僧。即衆生世間。故餘七行持。悲所作業故。正起行。故願持。行故有悲智。境行方成。故時即起行之時。後二福智。然第十地。大盡分中有十一持。第四加煩。爲持。故論判。行持中初二逆行。彼約應化不斷。所以加之。今但約爲行本。故無煩惱。彼有供養持。及劫持。無境界持。及善力持。此以時中攝劫。彼以

撰述
行攝善力。依境起供。故並無異。餘各並同。具如彼釋。既數名不同。按名以釋。此無僧寶。有教化衆生。亦未爽通理。上辨陀羅尼。卽總持文義。次云受持。卽領納受行。今云力持。卽加持任持。故不相濫。佛子。菩薩摩訶薩。有十種大欣慰。

疏第二大欣慰。正辨歡喜行義。彼但見乞者來。倍復歡喜。今則知由施。故見佛供佛等。心大歡喜。初行多同歡喜地。

何等爲十。所謂諸菩薩發如是心。盡未來世。所有諸佛出興于世。我當皆得隨逐承事。令生歡喜。如是思惟。心大欣慰。復作是念。彼諸如來。出興于世。我當悉以無上供具恭敬供養。如是思惟。心大欣慰。

疏十中畧爲五對。一事佛供佛對。

復作是念。我於諸佛所興供養時。彼諸如來。必示誨我法。我悉以深心恭敬聽受。如說修行。於菩薩地。必得已生現生當生。如是思惟。心大欣慰。復作是念。我當於不可說不可說劫。行菩薩行。常與一切諸佛菩薩而得共俱。如是思惟。心大欣慰。

疏二聞法親善對。

復作是念。我於往昔。未發無上大菩提心。有諸怖畏。

撰述 華嚴疏鈔卷五十四 三
所謂不活畏惡名畏死畏墮惡道畏大衆威德畏自
一發心悉皆遠離不驚不恐不畏不懼不怯不怖一
切衆魔及諸外道所不能壞如是思惟心大欣慰復
作是念我當令一切衆生成無上菩提成菩提已我
當於彼佛所修菩薩行盡其形壽以大信心興所應
供佛諸供養具而爲供養及涅槃後各起無量塔供
養舍利及受持守護所有遺法如是思惟心大欣慰
疏三二利行成對

又作是念十方所有一切世界我當悉以無上莊嚴
而莊嚴之皆令具足種種奇妙平等清淨復以種種
大神通力住持震動光明照耀普使周徧如是思惟
心大欣慰復作是念我當斷一切衆生疑惑淨一切
衆生欲樂啓一切衆生心意滅一切衆生煩惱閉一
切衆生惡道門開一切衆生善趣門破一切衆生黑
暗與一切衆生光明令一切衆生離衆魔業使一切
衆生至安隱處如是思惟心大欣慰

疏四嚴土化生對

菩薩摩訶薩復作是念諸佛如來如優曇華難可值
遇於無量劫莫能一見我當於未來世欲見如來則
便得見諸佛如來常不捨我恒住我所令我得見爲

撰述
垂肩正鈔卷五十四
四
我說法無有斷絕。既聞法已。心意清淨。遠離諛曲。質直無僞。於念念中常見諸佛。如是思惟。心大欣慰。復作是念。我於未來當得成佛。以佛神力於一切世界爲一切衆生各別示現。成等正覺。清淨無畏。大師子吼。以本大願周徧法界。擊大法鼓。雨大法雨。作大法施。於無量劫常演正法。大悲所持。身語意業。無有疲厭。如是思惟。心大欣慰。

疏五難見能見難成能成對。文相甚顯。

佛子。是爲菩薩摩訶薩十種大欣慰。若諸菩薩安住此法。則得無上成正覺智慧大欣慰。

佛子。菩薩摩訶薩有十種深入佛法。何等爲十。所謂入過去世一切世界。入未來世一切世界。入現在世界數世界行世界說世界清淨。入一切世界種種性。入一切衆生種種業報。入一切菩薩種種行。知過去一切佛次第。知未來一切佛次第。知現在十方虛空法界等一切諸佛國土衆會說法調伏。知世間法聲聞法獨覺法菩薩法如來法。雖知諸法皆無分別。而說種種法。悉入法界。無所入。故如其法說。無所取著。是爲十。若諸菩薩安住此法。則得入於阿耨多羅三藐三菩提。大智慧甚深性。

疏三十種深入者。上明預欣當成。此辨現能證了。卽前法施之行。故彼云。我當盡學諸佛所學。證一切智。知一切法。爲衆生說。十中前六有入字。後四以知爲初。證入了。知二文影顯於中。初四入器世間。前三別入三世。後一總明。別中現在內數。謂多少。行謂刹因。說謂彼彼果中說法。清淨謂刹體。此是通體。後總句云。種種性。卽染淨等殊。斯卽別體。次二入衆生世間。後四入智正覺世間。於中前三入三世佛。後一入法法中。初知差別。五乘。後雖知下。明權實雙行。以性不壞相。故雖無分別。而說種

撰述

華嚴疏鈔卷五十四

五

種。此中分別卽是差別。故晉經云。雖諸法無一無異。而說一異。次言悉入法界。無所入故者。釋成上義。謂悉入法界。故無差別。無所入故。而說種種。何者。若別有一入處。則入時失本相。不得說種種。以當法自虛。名入法界。無別可入。則不壞種種矣。言如其下。此上辨知。此下明說。夫說法者。當如法說。法旣權實雙融。說亦卽說無著。鈔夫說法下。卽淨名目連章中。時目連於里巷中。爲白衣居士說法。時維摩詰來。謂我言。唯大目連。爲白衣居士說法。不當如仁者所說。所以者何。夫說法者。當如法

支那

華嚴疏鈔卷五十四

木

說法無眾生離眾生垢故。法無有我離我垢故等。
說法無權實下。義取淨名之意。

佛子。菩薩摩訶薩有十種依止。菩薩依此行菩薩行。何等爲十。所謂依止供養一切諸佛行菩薩行。依止調伏一切衆生行菩薩行。依止親近一切善友行菩薩行。依止積集一切善根行菩薩行。依止嚴淨一切佛土行菩薩行。依止不捨一切衆生行菩薩行。依止深入一切波羅蜜行菩薩行。依止滿足一切菩薩願行菩薩行。依止無量菩提心行菩薩行。依止一切佛菩提行菩薩行。是爲十。菩薩依此行菩薩行。

疏第二十種依止。明饒益位中行。上明證入。今託良緣。徧依此十。方能饒益。非但依戒。況戒有攝善。何所不具。鈔非但依戒者。阿難四問。佛令依戒。爲師。彼以戒爲饒益。卽是依止之義。

佛子。菩薩摩訶薩有十種發無畏心。何等爲十。所謂滅一切障礙業。發無畏心。於佛滅後護持正法。發無畏心。降伏一切魔。發無畏心。不惜身命。發無畏心。摧破一切外道邪論。發無畏心。令一切衆生歡喜。發無畏心。令一切衆會皆悉歡喜。發無畏心。調伏一切天龍夜叉乾闥婆阿脩羅迦樓羅緊那羅摩睺羅伽。發

撰述
五藏正金卷五十四
無畏心離二乘地。入甚深法。發無畏心。於不可說不可說劫行菩薩行。心無疲厭。發無畏心。是爲十。若諸菩薩安住此法。則得如來無上大智無所畏心。

疏第三十種無畏。卽無違逆位中行。由依菩薩止善。則於十難作能作。難忍能忍。爲發無畏心。一障碍難滅。二遺法難護。三惡魔難降。四身命難捨。五外道難摧。六物心難稱。七大衆難喜。八八部難調。九下乘難離。十上行難修。於此十難皆無所畏。豈畏衆生相惱害耶。鈔豈畏衆者。以無違逆行多。約耐怨害故。

佛子。菩薩摩訶薩發十種無疑心。於一切佛法心無疑惑。

疏第四發無疑心。下二門。明無屈撓位中行。於中此門由前於難無懼。故於十所作決志無疑。卽被甲精進中行。後門攝善之行。利樂徧在二門。

何等爲十。所謂菩薩摩訶薩發如是心。我當以布施攝一切衆生。以戒忍精進禪定智慧慈悲喜捨攝一切衆生。發此心時。決定無疑。若生疑心。無有是處。是爲第一發無疑心。

疏今初十中。一十度攝生。

菩薩摩訶薩又作是念。未來諸佛出興于世。我當一切承事供養發此心時。決定無疑。若生疑心。無有是處。是爲第二發無疑心。

疏二事佛供佛。

菩薩摩訶薩又作是念。我當以種種奇妙光明網。周徧莊嚴一切世界。發此心時。決定無疑。若生疑心。無有是處。是爲第三發無疑心。

疏三光明嚴刹。

菩薩摩訶薩又作是念。我當盡未來劫脩菩薩行。無數無量無邊無等不可數不可稱不可思不可量不可說不可說不可說過諸莫數究竟法界虛空界一切衆生。我當悉以無上教化調伏法而成熟之。發此心時。決定無疑。若生疑心。無有是處。是爲第四發無疑心。

疏四長時調熟。

菩薩摩訶薩又作是念。我當修菩薩行。滿大誓願。具一切智安住其中。發此心時。決定無疑。若生疑心。無有是處。是爲第五發無疑心。

疏五具一切智。

菩薩摩訶薩又作是念。我當普爲一切世間行菩薩

行爲一切法清淨光明。照明一切所有佛法。發此心時。決定無疑。若生疑心。無有是處。是爲第六發無疑心。

疏六作世明燈。

菩薩摩訶薩。又作是念。我當知一切法皆是佛法。隨衆生心爲其演說。悉令開悟。發此心時。決定無疑。若生疑心。無有是處。是爲第七發無疑心。

疏七說法開悟。

菩薩摩訶薩。又作是念。我當於一切法得無障礙門。知一切障礙不可得。故其心如是。無有疑惑。任真實性。乃至成於阿耨多羅三藐三菩提。發此心時。決定無疑。若生疑心。無有是處。是爲第八發無疑心。

疏八滅障成佛。

菩薩摩訶薩。又作是念。我當知一切法莫不皆是出世間法。遠離一切妄想顛倒。以一莊嚴而自莊嚴。而無所莊嚴於此自了。不由他悟。發此心時。決定無疑。若生疑心。無有是處。是爲第九發無疑心。

疏九離妄自覺。

菩薩摩訶薩。又作是念。我當於一切法成最正覺。離一切妄想顛倒。故得一念相應智。故若一若異不可

撰述
聖嚴師金卷五十四
十
得故離一切數故究竟無爲故離一切言說故住不可說境界際故發此心時決定無疑若生疑心無有是處是爲第十發無疑心。

疏十決成菩提於此十事發誓要期故名被甲。

若諸菩薩安住此法則於一切佛法心無所疑。

佛子菩薩摩訶薩有十種不可思議

疏二十種不思議卽所攝之善由決志無疑故所爲難測。

何等爲十。所謂一切善根不可思議一切誓願不可思議知一切法如幻不可思議發菩提心修菩薩行善根不失無所分別不可思議雖深入一切法亦不取滅度以一切願未成滿故不可思議修菩薩道而示現降神入胎誕生出家苦行往詣道場降伏衆魔成最正覺轉正法輪入般涅槃神變自在無有休息不捨悲願救護衆生不可思議雖能示現如來十力神變自在而亦不捨等法界心教化衆生不可思議疏十中初三單約善根願智稱性名不思議餘七權實雙運故不思議於中前四約行後三約智智約內明行就外相前中四涉有而一道清淨五悟空而萬行沸騰六修因而八相果成七現果而大

用不捨皆難思也。

知一切法無相是相。相是無相。無分別是分別。分別是無分別。非有是有。有是非有。無作是作。作是無作。非說是說。說是非說。不可思議。

疏後三中。八二諦相卽。九二事融而不融。十權實卽而不卽。八中十句五對。一境。二心。三通。一切。四約修起。五卽名言。亦卽五法。一相。二妄想。三如。四正智。五名。然各有二意。一直就法體。無相是真相。卽是俗常。互相卽。下四例然。二約迷悟。五對大同小異。謂一迷如無相。以成於相。悟相無相。卽

是如如。二迷於正智。無分別。卽成妄想。分別。悟妄分別。卽正智。無分別。三了如。非有。真有。如如。若執有如。則非如有。四智若無作。是作正智。若有所作。非作正智。五知名非說。是真說名。謂各有說。非是說名。鈔八中十句者。疏文有二。先標所依相。而有二意。然各二意下。雙釋上二。言各二意者。十句五對。各具上二也。下依二意釋之。先直就法體。但約二諦以明。釋前約境心等五。後二約迷悟下。卽釋上約五法明。通就迷悟以釋。上卽約境。不出二諦。今此約心。不出迷悟。悟卽正智。迷卽妄想。由此

二故說成五法。卽分爲五。一約相上。以如對之。故無相是如。二就妄想上。以正智對之。三就如如之上。唯就如如得失以明。四就正智上。亦約正智得失以明。五就各上。亦唯就各得失以明。五中皆通迷悟。然迷卽有名相妄想。悟則唯正智如如。智契於如。一味平等。餘如前後說。

知心與菩提等。知菩提與心等。心及菩提與衆生等。亦不生心顛倒。想顛倒。見顛倒。不可思議。

疏九中初融三事。後亦不下。顯離融相各爲不融。三事卽心佛衆生。皆無差別。如覺林偈。鈔九中

初融三事。心佛衆生三無差故。後離融相。故科云。不融。就不融中有二。一不壞相。二離融相。離融相約理無可融。約心無想念。故不壞相。約本自融。不可融。故從三事下。指文引證。

於念念中入滅盡定。盡一切漏而不證實際。亦不盡有漏善根。雖知一切法無漏。而知漏盡。亦知漏滅。雖知佛法卽世間法。世間法卽佛法。而不於佛法中分別世間法。不於世間法中分別佛法。一切諸法悉入法界。無所入故。知一切法皆無二無變易故。是爲第十不可思議。

撰述
聖嚴疏鈔卷五十四
三
疏十中三句。初明盡而不盡。此約斷時以明體用。二無而不無。此將法性對斷以明體用。二句雖殊。俱是權實雙行。三雖知佛法。下明卽而不卽。於中初正明。後一切諸法。下釋成上義。悉入法界。故說卽卽無所入故。不應世中分別佛法等。謂以當法自虛。故名相卽。非世間中佛法可得。下重釋云。知一切法皆無二故。不得二中互求。無變易故。亦非世法作彼佛法思之。

佛子。是爲菩薩摩訶薩十種不可思議。若諸菩薩安住其中。則得一切諸佛無上不可思議法。

佛子。菩薩摩訶薩有十種巧密語。何等爲十。所謂於一切佛經中巧密語。於一切受生處巧密語。於一切菩薩神通變現成等正覺巧密語。於一切衆生業報巧密語。於一切衆生所起染淨巧密語。於一切法究竟無障礙門巧密語。於一切虛空界。一方處。悉有世界。或成或壞。間無空處。巧密語。於一切法界。一切十方。乃至微細處。悉有如來示現。初生乃至成佛。入般涅槃。充滿法界。悉分別見巧密語。見一切衆生平等涅槃。無變易故。而不捨大願。以一切智願。未得圓滿。令滿足故。巧密語。雖知一切法不由他悟。而不捨

離諸善知識於如來所轉加尊敬與善知識和合無
二於諸善根修集種植迴向安住同一所作同一體
性同一出離同一成就巧密語是爲十。若諸菩薩安
住其中。則得如來無上善巧微密語。

疏第五十種巧密語下六門。明無癡亂中行。於中
三。初二門卽無癡之行。次二門明無亂之行。後二
門雙明二門引生功德雖癡亂有通。今從別說。又
此三段卽是三禪。初卽饒益有情禪。二卽正法樂
住禪。三卽引生功德禪。今初二門中。初門不愚巧
密之言。後門不愚善巧之智。今初前旣明內行。

今辨外言。彼行文云。以正念故。善解世間一切言
說。能持出世諸法言說等。皆言密語者。況明有五
一。說深密法故。如出現品名。如來密藏等。二。一言
說一切法故。上云。如來於一語言中等。亦如仙陀
四實九義瞿聲等。三。近而不聞。如身子在座。遠而
無隔。如目連尋聲等。四。言近意遠。如說二乘爲究
竟等。言遠意近。如說寒時得火。名涅槃等。此意亦
名隱實說權五。以異言說異法。如覺不堅爲堅等。
鈔亦如仙陀者。謂鹽水器馬前已廣釋。九義瞿
聲卽俱舍論云。方獸地。光言金剛眼。天水。於斯九

種事。智者立瞿聲。唯金剛二字一義餘八各一。如說寒得火等。卽涅槃經。五以異言者。卽攝論第五四秘密中第四轉變秘密。論云。復有四種意趣。四種秘密。一切佛語。應須決了。四意趣義。已見普賢三昧品。四秘密者。一令人秘密。謂三乘中依俗諦理說。有人法令人俗諦。二相秘密。謂說法相三自性等。三對治秘密。治八萬四千煩惱。四轉變秘密。欲令悟入總名秘密。論釋第四轉變秘密云。謂於是處。以其別義諸言諸字。卽顯別義。如有頌云。覺不堅爲堅。善住於顛倒。極煩惱所惱。得最上菩提。

無性釋云。謂於義轉變差別。雜集云。謂說無餘義。名句文身。隱密轉變。更顯餘義。無性釋上偈云。謂剛強流散。說名爲堅。非此堅固。說名不堅。卽是調柔無散亂定。卽於此中起堅固慧。覺彼爲堅。世親釋云。不堅謂定。由不剛強。馳散難伏。故名不堅。卽於此中起尊重覺名覺爲堅。釋曰。二家釋論。言異意同。皆就密說。順得菩提。若取顯了。於散亂心起堅固慧。則遠菩提。今取秘密。於定不堅起堅固慧。則得菩提。言善住於顛倒者。無性釋云。謂於四顛倒善能安住。知是顛倒。決定無動。釋曰。若取顯了。

則住於無常計等四倒之中。不得菩提。今則秘密知於常等於無無常等上橫計而起決定。知此名爲善住。住於顛倒能得菩提也。世親釋云。是於顛倒中善安住。義謂於無常等是能顛倒釋曰。此則到彼所計義名善顛倒。於此安住。故得菩提。言極煩惱所惱者。無性釋云。爲衆生故。長時劬勞。精進所惱。亦引上偈云。一同無性。二釋無別。釋云。若取顯說爲貪瞋等惱亂行者名爲煩惱。此卽遠離菩提。今取秘密。精進勤苦劬勞行者亦名煩惱。則得菩提。其第四句得最上菩提。談上三義。莊嚴論第

八。對法第十二。皆同此說。

疏文中十句。初一具五。以是總故。一切教故。次二舍二意。謂示而謂實故。卽第四意。此二皆是深密之法。卽第一意。餘通前二。或並兼五。可以意得。佛子。菩薩摩訶薩。有十種巧分別智。何等爲十。所謂入一切剎巧分別智。入一切衆生處巧分別智。入一切衆生心行巧分別智。入一切衆生根巧分別智。入一切衆生業報巧分別智。入一切聲聞行巧分別智。入一切獨覺行巧分別智。入一切菩薩行巧分別智。入一切世間法巧分別智。入一切佛法巧分別智。是

爲十。若諸菩薩安住其中。則得一切諸佛無上善巧分別諸法智。

疏二十種巧分別智。外言旣密。內智又巧。故於利生無有癡闇。故彼文云。菩薩於善知識所聽聞正法。所謂甚深法等。文義多同。十句可知。

佛子。菩薩摩訶薩有十種入三昧。何等爲十。所謂於一切世界入三昧。於一切衆生身入三昧。於一切法入三昧。見一切佛入三昧。住一切劫入三昧。從三昧起現不思議身入三昧。於一切佛身入三昧。覺悟一切衆生平等入三昧。一念中入一切菩薩三昧智入

三昧。一念中以無礙智成就一切諸菩薩行願。無有休息入三昧。是爲十。若諸菩薩安住其中。則得一切諸佛無上善巧三昧法。

疏第二二門。明無亂行。皆是定體。於中初門。明入三昧顯處等。不同。後明徧入。則觸類皆徧。今初故彼文云。善入一切諸禪定門。此中明十皆通一切。十中通辨緣斯十境入定不同。別則十門各異。而前五一重之事。餘五涉入圓融。可知。九十皆卽一而多。故彼行云。一念中得無數三昧。但從多分對前後說。判爲定體耳。非此無用。

撰述
菩薩摩訶薩有十種偏入何等爲十。所謂衆生
偏入國土偏入世間種種相偏入。火災偏入。水災偏
入。佛偏入。莊嚴偏入。如來無邊功德身偏入。一切種
種說法偏入。一切如來種種供養偏入。是爲十。若諸
菩薩安住其中。則得如來無上大智偏入法。

疏二十偏入亦猶小乘說十偏處。卽令三昧漸更
增廣。前明一切如衆生身。謂童子身等。雖能一切
身入而不必一時。今此隨入一類皆偏一切。如海
初來一切皆水等。十句可知。鈔亦猶小乘者。大
乘亦有廣畧不同。今順定十。故引小乘。至法界品

當廣分別。

佛子。菩薩摩訶薩有十種解脫門。何等爲十。所謂一
身周徧一切世界解脫門。於一切世界示現無量種
種色相解脫門。以一切世界入一佛刹解脫門。普加
持一切衆生界解脫門。以一切佛莊嚴身充滿一切
世界解脫門。於自身中見一切世界解脫門。一念中
往一切世界解脫門。於一世界示現一切如來出世
解脫門。一身充滿一切法界解脫門。一念中示現一
切佛游戲神通解脫門。是爲十。若諸菩薩安住其中。
則得如來無上解脫門。

疏三十解脫下二門明引生功德禪中。此門明作
用無礙故稱解脫後門於境無擁故曰神通。今
初解脫卽不思議解脫梵云毘木叉。此云勝解脫。
謂殊勝作用亦由依禪成八解脫。十句可知。鈔
亦由依禪者亦如法界品。

佛子菩薩摩訶薩有十種神通何等爲十。所謂憶念
宿命方便智通。天耳無礙方便智通。知他衆生不
思議心行方便智通。天眼觀察無有障礙方便智通。隨
衆生心現不思議大神通力方便智通。一身普現無
量世界方便智通。一念徧入不可說不可說世界方

便智通。出生無量莊嚴具莊嚴不思議世界方便智
通。示現不可說變化身方便智通。隨不思議衆生心
於不可說世界現成阿耨多羅三藐三菩提方便智
通。是爲十。若諸菩薩安住其中。則得如來無上大善
巧神通。爲一切衆生種種示現。令其修學。

疏二十種神通如依四禪引六通用此十。若以六
攝前四可知。次五神境。後一漏盡成菩提故。約位
不同與十通小異。

佛子菩薩摩訶薩有十種明。

疏第六十種明下二門明善現位中行。此門正顯

行體卽是般若故曰智明。後門明離智障故稱解脫。今初然皆權實無礙之智故稱善巧。非如十度唯約根本但約增微分成五行。

何等爲十。所謂知一切衆生業報善巧智明。知一切衆生境界寂滅清淨無諸戲論善巧智明。知一切衆生種種所緣唯是一相悉不可得一切諸法皆如金剛善巧智明。

疏十中前七單約一智。後三雙行。前中初三約所化。

能以無量微妙音聲普聞十方一切世界善巧智明。普壞一切心所染着善巧智明。能以方便示現受生或不受生善巧智明。

疏次三約能化。各初事次理。後卽事歸理。

捨離一切想受境界善巧智明。

疏七離能所想。會歸般若。念想觀除。不受境界爲入理善巧故。鈔念想觀除者。卽智論文。文云般若波羅蜜實法不顛倒。念想觀已除。言語法亦滅。無量衆罪除。清淨心常一。如是尊妙人。則能見般若。若是也。念想觀除。約於內智。則不受外境。見色如盲等。而言善巧者。非涉事善巧。不念不受。是入理。

善巧耳。

知一切法非相非無相。一性無性無所分別而能了知種種諸法於無量劫分別演說住於法界成阿耨多羅三藐三菩提善巧智明。

疏後三雙行中。八明無說之說無成之成善巧智明。謂雙非照寂離言。而能差別照事有說非相遣相。非無遣無。一性遣多。無性遣有。卽性相俱寂。住於下。無成之成法界之體實無所成照斯法界。卽說成佛。

菩薩摩訶薩知一切衆生。生本無有生。了達受生不

可得故。

疏九明無生起生智明。文中三。初正明。次何以下徵釋。二是名下結名。今初明無緣之緣。兼顯無化之化。於中二。先明無緣。謂衆生真心稱理。不可得故。若無緣卽無所化。

而知因。知緣知事。知境界。知行。知生知滅。知言說。疏而。知下。明真心。隨緣不壞緣起。則亦有所化。於中二。先知所化。後結成雙行。前中文有二節。初有八句。別知緣相。因謂無明等緣。謂業行。事卽識。各色等。境界卽觸受塵。境行卽現在愛取有。生卽生。

支滅即老死。知言說者。總是隨俗緣生。不離三世。故。鈔初有八句者。十二因緣相。

知迷惑知離迷惑。知顛倒知離顛倒。知雜染知清淨。知生滅知涅槃。知可得知不可得。知執著知無執著。疏二知迷下。十二句六對。通知染淨迷悟。迷理則倒惑雜染。悟皆反此。隨俗則俱可得。第一義中二俱叵得。非得約理。著非著約智。鈔二知迷下。十二句。知染淨者。即雙知性相迷悟。染淨猶是約相。廣如六地。第一義中二俱叵得。即約性說。

寫住知動。知去知還。知起知不起。知失壞知出離。知

成熟知諸根知調伏。

疏三知住下。明知心行。住謂本性。動謂客塵。隨客塵則去。而莫歸。見本性則還源。反本有還有去。皆是起心。還住。兩亾寂然不起。則諸善失壞不起。則出離蓋纏。觸境寂知。是為成熟。上通物我。後兼知機約自。根謂六根。不為境牽。即是調伏。鈔二知住下。明知心行者。即能知性相觀照之心。此中可以寂照虛懷而了。亦為明示心觀處也。

隨其所應。種種教化。未曾忘失菩薩所行。疏後隨其下。結雙行中。謂智隨曲化。不失無行。

何以故菩薩但爲利益衆生故發阿耨多羅三藐三
菩提心無餘所爲是故菩薩常化衆生身無疲倦不
違一切世間所作。

疏二徵釋中所以爾者爲物發心故。

是名緣起善巧智明。

疏結名可知。

菩薩摩訶薩於佛無著不起著心於法無著不起著
心於利無著不起著心於衆生無著不起著心不見
有衆生而行教化調伏說法然亦不捨菩薩諸行大
悲大願見佛聞法隨順修行依於如來種種諸善根。恭

敬供養無有休息能以神力震動十方無量世界其
心廣大等法界故。

疏十平等教化智明中三初明實不碍權。

知種種說法知衆生數知衆生差別知苦生知苦滅
知一切行皆如影像行菩薩行永斷一切受生根本
但爲救護一切衆生行菩薩行而無所行隨順一切
諸佛種性發如大山王心知一切虛妄顛倒入一切
種智門智慧廣大不可傾動當成正覺。

疏二知種種下權不碍實。

於生灰海平等濟度一切衆生善巧智明是爲十。若

諸菩薩安住其中。則得如來無上大善巧智明。

疏二於生灰下結名並可知。

佛子。菩薩摩訶薩有十種解脫何等爲十。所謂煩惱解脫。邪見解脫。諸取解脫。蘊處界解脫。超二乘解脫。無生法忍解脫。於一切世間一切剎一切衆生一切法離著解脫。無邊住解脫。發起一切菩薩行入如來無分別地解脫。於一念中悉能了知一切三世解脫。是爲十。若諸菩薩安住此法。則能施作無上佛事。教化成熟一切衆生。

疏二十種解脫脫二障故。梵云毘木底。此云解脫。

與前不同。十中初四脫凡三障。取增爲業。故後六脫智障。初一揀劣。餘皆顯勝。

佛子。菩薩摩訶薩有十種園林。何等爲十。所謂生灰是菩薩園林。無厭捨故。教化衆生是菩薩園林。不疲倦故。住一切劫是菩薩園林。攝諸大行故。清淨世界是菩薩園林。自所止住故。一切魔宮殿是菩薩園林。降伏彼衆故。思惟所聞法是菩薩園林。如理觀察故。六波羅蜜四攝事三十七菩提分法是菩薩園林。紹繼慈父境界故。十力四無所畏十八不共乃至一切佛法是菩薩園林。不念餘法故。示現一切菩薩威力。

自在神通是菩薩園林。以大神力轉正法輪調伏衆生無休息故。一念於一切處爲一切衆生示成正覺。是菩薩園林法身周徧盡虛空一切世界故。是爲十。若諸菩薩安住此法則得如來無上離憂惱大安樂行。

疏第七園林下二門明無著位中行於中此門明游處縱情後門明棲止適悅皆通二利權實方便而無所著今初可知。

佛子菩薩摩訶薩有十種宮殿何等爲十。所謂菩提心是菩薩宮殿恒不忘失故。十善業道福德智慧是菩薩宮殿教化欲界衆生故。四梵住禪定是菩薩宮殿教化色界衆生故。生淨居天是菩薩宮殿。一切煩惱不染故。生無色界是菩薩宮殿。令諸衆生離難處故。生雜染世界是菩薩宮殿。令一切衆生斷煩惱故。現處內宮妻子眷屬是菩薩宮殿。成就往昔同行衆生故。現居輪王護世釋梵是菩薩宮殿。爲調伏自在心衆生故。住一切菩薩行遊戲神通皆得自在是菩薩宮殿。善遊戲諸禪解脫三昧智慧故。一切佛所受無上自在一切智王灌頂記是菩薩宮殿。住十力莊嚴作一切法王自在事故。是爲十。若諸菩薩安住其

中則得法灌頂於一切世間神力自在。

疏二宮殿十中四梵住者卽四無量亦色因故故
度世云修四梵行慈悲喜捨餘可知。

佛子菩薩摩訶薩有十種所樂何等爲十所謂樂正
念心不散亂故樂智慧分別諸法故樂往詣一切佛
所聽法無厭故樂諸佛充滿十方無邊際故樂菩薩
自在爲諸衆生以無量門而現身故樂諸三昧門於
一三昧門入一切三昧門故樂隨羅尼持法不忘轉
授衆生故樂無礙辯才於一文一句經不可說劫分
別演說無窮盡故樂成正覺爲一切衆生以無量門

示現於身成正覺故樂轉法輪摧滅一切異道法故
是爲十若諸菩薩安住此法則得一切諸佛如來無
上法樂。

疏第八所樂下二門明難得位中行於中此門內
心願樂願卽行體既處宮殿則情欣勝樂故。

佛子菩薩摩訶薩有十種莊嚴何等爲十所謂力莊
嚴不可壞故無畏莊嚴無能伏故義莊嚴說不可說
義無窮盡故法莊嚴八萬四千法聚觀察演說無忘
失故願莊嚴一切菩薩所發弘誓無退轉故行莊嚴
修普賢行而出離故刹莊嚴以一切刹作一刹故普

撰述
華嚴所鈔卷五十四
音莊嚴周徧一切諸佛世界雨法雨故。方持莊嚴於一切劫行無數行不斷絕故。變化莊嚴於一衆生身。示現一切衆生數等身。令一切衆生悉得知見。求一切智無退轉故。是爲十。若諸菩薩安住此法。則得如來一切無上法莊嚴。

疏二十莊嚴卽外德莊嚴。具以衆德莊嚴願故。文並可知。

佛子。菩薩摩訶薩發十種不動心。何等爲十。所謂於一切所有悉皆能捨不動心。思惟觀察一切佛法。不動心。憶念供養一切諸佛不動心。於一切衆生誓無

惱害不動心。普攝衆生不揀怨親不動心。求一切佛法無有休息不動心。一切衆生數等不可說不可說劫行菩薩行不生疲厭亦無退轉不動心。成就有根信無濁信清淨信極清淨信離垢信明徹信恭敬供養一切佛信不退轉信不可盡信無能壞信。大歡喜踊躍信不動心。成就出生一切智方便道不動心。聞一切菩薩行法信受不謗不動心。是爲十。若諸菩薩安住此法。則得無上一切智不動心。

疏第九不動心下二門。明善法位中行。此門明外緣不動。後門明內心不捨。又此明心堅後明深入。

皆是力義。今初十中二及第九是思擇力。餘皆脩習力。八中有十二信。一生佛果故。二不雜不信濁故。三淨無煩惱故。四無細念故。五離所知垢故。六徹事源故。七向果位故。八自分堅故。九德無盡故。十緣不動故。十一證真如故。餘並相顯。

佛子。菩薩摩訶薩有十種不捨深大心。何等爲十。所謂不捨成滿一切佛菩提深大心。不捨教化調伏一切衆生深大心。不捨不斷一切諸佛種性深大心。不捨親近一切善知識深大心。不捨供養一切諸佛深大心。不捨專求一切大乘功德法深大心。不捨於一

切佛所脩行梵行護持淨戒深大心。不捨親近一切菩薩深大心。不捨求一切佛法方便護持深大心。不捨滿一切菩薩行願集一切諸佛法深大心。是爲十。若諸菩薩安住其中則能不捨一切佛法。

疏二不捨深大心者。由不動故能窮理事理深事廣。故云深大十句可知。

佛子。菩薩摩訶薩有十種智慧觀察。何等爲十。所謂善巧分別說一切法智慧觀察。了知三世一切善根智慧觀察。了知一切諸菩薩行自在變化智慧觀察。了知一切諸法義門智慧觀察。了知一切諸佛威力

撰述
華嚴疏鈔卷五十四
智慧觀察。了知一切陀羅尼門智慧觀察。於一切世界普說正法智慧觀察。入一切法界智慧觀察。知一切十方不可思議智慧觀察。知一切佛法智慧光明。無有障礙智慧觀察。是爲十。若諸菩薩安住其中。則得如來無上大智慧觀察。

疏第十智慧觀察下九門。明真實位中行。卽分爲九。一、觀察智。二、說法智。三、離障智。四、審決智。五、照徹智。六、無等智。七、無劣智。八、高出智。九、深廣智。今初亦由不捨深大故能觀察前門。但言觀察者。脫智慧言。十句準思。

佛子。菩薩摩訶薩有十種說法。何等爲十。所謂說一切法皆從緣起。說一切法皆悉如幻。說一切法無有垂諍。說一切法無有邊際。說一切法無所依止。說一切法猶如金剛。說一切法皆悉如如。說一切法皆悉寂靜。說一切法皆悉出離。說一切法皆住一義本性。成就是爲十。若諸菩薩安住其中。則能善巧說一切法。

疏二說法智。由能內觀。故能外說。十中初二說俗後八說真。一無二可諍。二體德兼廣。三相深遠。四體堅利。五如如不動。六體絕百非。七在纏不染。八

體相一味。

佛子。菩薩摩訶薩有十種清淨。何等爲十。所謂深心清淨。斷疑清淨。離見清淨。境界清淨。求一切智清淨。辯才清淨。無畏清淨。住一切菩薩智清淨。受一切菩薩律儀清淨。具足成就無上菩提。三十二種百福相白淨法。一切善根清淨。是爲十。若諸菩薩安住其中。則得一切如來無上清淨法。

疏第二十種清淨。卽離障智。此離智障。晉各無垢。故雖同清淨。所淨不同。十中與七淨有開合不同。在文易了。七淨如五地初禪。

佛子。菩薩摩訶薩有十種印。

疏第四十種印者。卽決審智。以清淨智決定印可。一切法故。故晉本中名爲智印。後所結益亦是智印。亦猶三法印等。鈔亦猶三法印等等。取四印五印。並如明法品說。

何等爲十。所謂菩薩摩訶薩。知苦苦壞苦行苦。專求佛法。不生懈怠。行菩薩行。無有疲懈。不驚不畏。不恐不怖。不捨大願。求一切智。堅固不退。究竟阿耨多羅三藐三菩提。是爲第一印。
疏十中。一。於安受苦境。忍智不動。

菩薩摩訶薩見有衆生愚癡狂亂或以兪弊惡語而相毀辱或以刀杖瓦石而加損害終不以此境界捨菩薩心但忍辱柔和專脩佛法住最勝道入離生位是爲第二印。

疏二他不饒益忍行決定。

菩薩摩訶薩聞說與一切智相應甚深佛法能以自智深信忍可解了趣入是爲第三印。

疏三於佛法深信忍決定卽諦察法忍。

菩薩摩訶薩又作是念我發深心求一切智我當成佛得阿耨多羅三藐三菩提一切衆生流轉五趣受

無量苦亦當令其發菩提心深信歡喜勤修精進堅固不退是爲第四印。

疏四決定成佛度生。

菩薩摩訶薩知如來智無有邊際不以齊限測如來智菩薩曾於無量佛所聞如來智無有邊際故不能以齊限測度一切世間文字所說皆有齊限悉不能知如來智慧是爲第五印。

疏五決定知佛智無邊。

菩薩摩訶薩於阿耨多羅三藐三菩提得最勝欲甚深欲廣欲大欲種種欲無能勝欲無上欲堅固欲衆

魔外道并其眷屬無能壞欲求一切智不退轉欲菩薩住如是等欲於無上菩提畢竟不退是爲第六印

疏六決欲佛果不退。

菩薩摩訶薩行菩薩行。不顧身命。無能沮壞。發心趣向一切智故。一切智性常現前。故得一切佛智光明。故終不捨離佛菩提。終不捨離善知識。是爲第七印。

疏七決不顧身命以親人法。

菩薩摩訶薩若見善男子善女人趣大乘者。令其增長求佛法心。令其安住一切善根。令其攝取一切智心。令其不退無上菩提。是爲第八印。

疏八決度已入大乘者。

菩薩摩訶薩令一切衆生得平等心。勸令勤脩一切智道。以大悲心而爲說法。令於阿耨多羅三藐三菩提永不退轉。是爲第九印。

疏九決平等度。

菩薩摩訶薩與三世諸佛同一善根。不斷一切諸佛種性。究竟得至一切智智。是爲第十印。

疏十決同佛體。因圓果滿。

佛子。是爲菩薩摩訶薩十種印。菩薩以此速成阿耨多羅三藐三菩提。具足如來一切法無上智印。

佛子。菩薩摩訶薩有十種智光照。何等爲十。所謂知定當成阿耨多羅三藐三菩提智光照。見一切佛智光照。見一切衆生。成此生彼智光照。解一切修多羅法門智光照。依善知識發菩提心。集諸善根智光照。示現一切諸佛智光照。教化一切衆生。悉令安住。如來地智光照。演說不可思議廣大法門智光照。善巧了知一切諸佛神通威力智光照。滿足一切諸波羅蜜智光照。是爲十。若諸菩薩安住此法。則得一切諸佛無上智光照。

疏第五智光照。卽照徹智。由印定故。照徹無碍。十

句易知。

佛子。菩薩摩訶薩有十種無等住。一切衆生聲聞獨覺悉無與等。

疏第六無等住。卽無等智。由前照徹。故不偏住着。雙任事理。無與等故。

何等爲十。所謂菩薩摩訶薩。雖觀實際。而不取證。以一切願未成滿故。是爲第一無等住。菩薩摩訶薩。種等法界。一切善根。而不於中有少執著。是爲第二無等住。菩薩摩訶薩。修菩薩行。知其如化。以一切法悉寂滅故。而於佛法。不生疑惑。是爲第三無等住。菩薩

摩訶薩雖離世間所有妄想然能作意於不可說劫行菩薩行。滿足大願終不中起疲厭之心。是爲第四無等住。菩薩摩訶薩於一切法無所取著。以一切法性寂滅故而不證涅槃。何以故。一切智道未成滿故。是爲第五無等住。菩薩摩訶薩知一切劫皆卽非劫。而真實說一切劫數。是爲第六無等住。菩薩摩訶薩知一切法悉無所作。而不捨作道求諸佛法。是爲第七無等住。菩薩摩訶薩知三界唯心。二世唯心。而了知其心無量無邊。是爲第八無等住。菩薩摩訶薩爲一衆生於不可說劫行菩薩行。欲令安住一切智地。

如爲一衆生爲一切衆生。悉亦如是。而不生疲厭。是爲第九無等住。菩薩摩訶薩雖修行圓滿。而不證菩提。何以故。菩薩作如是念。我之所作。本爲衆生。是故我應久處生。方便利益。皆令安住無上佛道。是爲第十無等住。

疏列十中皆權實雙行。或卽寂之用。卽用之寂等。並顯可知。

佛子是。爲菩薩摩訶薩十種無等住。若諸菩薩安住其中。則得無上大智。一切佛法無等住。

是卷刺資計五兩四錢四分。有以僧智永號松

隱者存日曾以十金濟任緣之急發願留銀如
前數助刺此卷經未及竣而松隱已回首矣茲
方完其本願唯冀松隱仗此功勳世世生生以
清淨行出離世間復以化度衆生不捨世間障
無不蠲願無不滿其銀適在無處遂以供養寫
工銷除前項不敢覆藏發露共証 乙丑臘月
弟子葉祺胤謹識

大方廣佛華嚴經疏鈔卷第五十四

畢



工ノ五十二